

42509 42509
BREF

DISCOVRS
DES FONTAINES
MINERALES DE
VICLECOMTE
en Auvergne,

AVEC L'HISTOIRE DES
maladies qu'elles ont guéri.

PAR F. VILLEFEV
VICLECOMTOIS.




ALTON, IMPRIMERIE

Par J A Q V E S M A L L E T.

M. DCXVI.





PARIS

MAISON MALLAT

MAISON



PARIS VILLETTA
MAISON MALLAT

MAISON MALLAT

MAISON MALLAT

MAISON

MAISON

MAISON

MAISON

MAISON

MAISON



AV. LECTEUR



PLINE au liure qu'il
a faict de l'origine de la
medecine (lecteur) dict
que ce grand personna-

ge Hippocrate, l'institua en descri-
uant les diuers memoires, que les
malades reuenus en conualescences,
estoient tenus de porter au temple
d'Esculape. Iceluy estant bruslé, il a
obligé sa posterité en l'assurance de
beaucoup de remedes qui auoient
esté desia experimentés par autres
en semblables maladies. C'est pour-
quoy voyant que de toutes parts

les malades accouroient en ce lieu de
Vülecomte. & y recouroient santé
en la boisson de nos minerales eaux:
à son imitation, j'ay creu puis que
j'en estois habitant, sous l'exercice
de la Chirurgie & Pharmacie, que
ie profiterois au public, si j'observois
en quels maux elles ont esté expe-
rimentees salutaires, & en quels
non. Les malades le voyant par
escript s'asseureront mieux des ver-
tus d'icelles deuant que partir de
leur maison. Ils scauront aux lieux
de leur résidence, comment ils se
doient comporter de pardeça tant
en leur façon de viure qu'autres
moyens necessaires pour prendre ce
remede. Les medecins biẽ qu'eslon-
gnez, apres la lecture de ce petit
discours, donneront loy certaine aux
beuueurs de leur cognoissance. Et
parce que ie crains, d'autant que feu
Mon

Monsieur Banc medecin fameux a
escript sur mesme subject, qu'on
n'impute à temerité mon entre-
prinse d'oser y redire quelque chose;
ie supplieray ceux qui s'en formalis-
seroient, de considerer, que ledict
Sieur a escript de ces minerales
eaux à l'aube du iour de leurs ef-
fects, & que maintenant i'en parle
apres auoir passé dix ou douze an-
nées observant le succès bon, ou
mauvais des maladies que i'ay trai-
tées avec ordonnance & conduite
de plusieurs & notables medecins,
qui au temps propre à leur usage se
sont portés sur les lieux. A Dieu.

A

3

TABLE DES CHAPITRES.



DE la descouuerture des fontai-
nes de Vieillecomie. Chap. 1.
De la situation des fontaines
de Vieillecomie. Chap.

2.
Des qualitez & des mineraux qu'elles
participent. Chap. 3.

Pourquoy des fontaines minerales les
unes sont propres contre les maladies,
& les autres non, ains plustost dan-
gerieuses à boire. Chap. 4.

En quelles maladies les fontaines de
Vieillecomie ont esté espreuues.
Chap. 5.

Contre les maladies de l'estomach.
Chap. 6.

Quelles indisposuions du foye & de la
ratte ont esté gueries. Chap. 7.

Contre les intemperies du foye. Chap.
8.

Contre les obstructions du foye. Chap.

9.
Contre les trois sortes d'hydropisie.
Chap. 10.

Contre les douleurs de teste diurnes
de

Table des Chapitres.

de qui la cause est en l'intemperie du
foye. Chap. 11.

Contre les gales & morphées. Chap.
12.

Contre la debilitation ou tremblement
des parties nerveuses, & autres acci-
dens qui suivent les intemperies chan-
des du foie, comme vertiges, bruits
d'oreilles & tels semblables. Chap.

13.
Contre les intemperies, opilations, dure-
tez de la rate & matrice. Chap. 14.

Contre la sterilité de la matrice. Cha. 15.

Contre les suppressions des mois. Chap.
16.

Contre les affections hypochondriaques.
Chap. 17.

Contre les maladies des intestins, pre-
mierement contre les coliques. Chap.

18.
Contre la dysenterie. Chap. 19.

Contre la vermine du corps, & autres
choses estranges, qui s'engendrent en
nos boyaux. Chap. 20.

Des maladies des reins & vescie, pre-
mierement de la pierre. Chap. 21.

Des ulceres des reins & vescie. Cha. 22.

Table des Chapitres.

Contre les chandes-pisses. Chap. 23.

Contre la verolle. Chap. 24.

Des accidens qui peuvent survenir pendant l'usage des minerales eaux.

Chap. 25.

En quelle disposuion on doit prendre ces eaux. Chap. 26.

Quel regime on doit tenir, & comment on se doit loger. Chap. 27.

En quelle quantité on prend ces eaux, combien de iours, & en quelle heure.

Chap. 28.

En quelle saison de l'année. Chap. 29.

DE



DE LA
DESCOVVERTURE
DES FONTAINES DE
VICLECOMTE.

CHAP. I.



LE Sage Roy d'Israël
pour recueillir les athees,
qui idolatres du nom
de Nature luy attribuent
les causes des merueilles de l'Vni-
uers, couche en ses Prouerbes cer-
te sentence autant veritable que
saincte,

*Dieu a fondé la terre par sagesse, &
a estably les cieux par intelligence, &
par sa science les abysses ont esté
fendus.*

Aussi le Prophete royal auant luy
auoit chanté à Dieu,

Tu despars les ruisseaux aux valons Psal. 103.

Il exfontez;

Et

*Qui emis-
tis fotes in
cōuallibus
in medio
mōtiū per-
transibunt
aqua.*

*Et fais qu'entre les monts leurs che-
mins sont dressez.*

*L'usage
des fontai-
nes nou-
veau, &
non l'ori-
gine.*

D'où s'ensuit que l'origine des fon-
taines n'est depuis peu d'années ou
de siecles, mais du commencement
que Dieu crea le ciel & la terre.

Si est-il vray que l'usage en peut es-
tre nouveau par l'ignorance de leurs
vertus & propriétés. Car le mesme
peut estre dict des eaux, que Plin
touche des herbes, sçauoir que nous
faisons litiere de plusieurs, des-
quelles si la faculté nous estoit re-
uelee nous entonnerions les loüan-
ges iusques au ciel. Or comme la
langueur des maladies a faict faire
la recerche du remede sur les her-
bes estans plus familiares, & quasi
alimentaires à l'homme : pareille-
ment l'impuissance des herbes a
faict ietter l'œil sur les minières, à
cause de leur forte nature & valide
operation, d'où est aduenu que le
goust, fidele tesmoing de l'imprés-
sion des esprits minéraux parmy
l'eau de certaines fontaines, a assen-
té les patients de s'opinastrer à l'usage

*D'où est ar-
riué l'usa-
ge des mi-
neraux.*

sage d'icelles, pour sapper les minieres des rebelles maladies. Ce qui se faisoit anciennement avec crainte, veu qu'un extreme remede approprié à une extreme maladie, ne pouvoit estre long temps practiqué sans donner coup, ou à la nature par l'extinction de la chaleur naturelle, ou à la maladie par la fuite du mal : partant ils inuoyoyent ardemment les Dieux des fleuves & fontaines, comme il se voit dans Orphée en l'hymne de l'Océan,

*Crainte
aux anciēns
en l'usage
des mine-
rales eaux.*

Errens pere heureux mes prieres.

Grand Dieu des ondes marimieres,

Auteur de paix & de repos.

Remede aux douleurs plus chagrines,

Thresor des richesses diuines.

*κλύθε
μήκαρ
πολυδρε
εγε.*

Le semblable a esté suivi en la Chrestienté, mais en dissemblable deuotion. Car icy à Vieillecomte anciennement auant que boire des eaux de la fontaine de sainte Marguerite, on faisoit des neuvaines parmy la boisson d'eau, & se voyent encore aujourdhuy les briques de deux images dressées aux costés de la

Fontaines
minerales
refuge des
pauvres
au cōmen-
cement;

ladiète fontaine. C'estoit le refuge
des pauvres, qui destituez de moyès
ne trouuoient soulagement en la
boutique des Apothicaires. Ce fut
la cause que feu Monsieur Tornayre
docte & expert Chirurgien, non
moins versé en la cognoissance des
maladies internes, qu'employé en
la guerison des externes, presenta à
Monsieur de la Fabrique Medecin
alors de Madame la Comtesse d'Au-
uergne, vn païsan tout bouffy d'hy-
dropisie Anasarque, & l'enuoyerent
à ceste liqueur pour tentatiue de ses
vertus. On le recommanda à feu mô-
pere Maistre Anthoine Villefeu,
qui l'assista, & s'en retourna gueri au
bout de six semaines remercier le
bon aduis de ces Messieurs. Mais
cette cure estoit trop vile pour ano-
blir ces bonnes Nymphes. Les reme-
des des faquins, quoy que salubres,
sont de trop petite apparence pour
en seruir les grands. En fin vn nom-
mé capitaine Pinon fort versé en
l'Alchimie, & de consequent en ma-
tieres metalliques, se ramageant en
cette

cette ville, fouille és grottes les entrailles de la terre sous esperance de quelque nouveauté, recognoit & visite les montagnes, goust de ces eaux, les treuve à l'equipolent de plusieurs autres qu'il auoit veu fréquentées par la France, & de bonne fortune descouurit le premier comme vn nouveau Christophle Colombé; non l'extrémité des Indes, mais deux autres belles sources plus fortes que la premiere, lesquelles par l'impetuosité de la riuere d'Alier auoient esté descombées d'vn amas de terre qui en desroboit le thresor. Lors tout soudain il en persuade la boisson, & fit les premiers essais sur les palles couleurs de filles. Restoit de les faire honorer par la presence des grands. Il en faiët parler à Monseigneur le Comte d'Auuergne, incommodé d'vne maladie rebelle aux remedes communs, lequel y fit venir Monsieur Banc docte Medecin de Moulins, qui les auantagea par dessus celles de Pougues, & s'en promettant des effects plus notables y

conduisit M^odict Seigneur le Comte, qui honorent les Nymphes fut couronné de santé. La renommée en vole par tout, qui y attira Monsieur le Marechal de Brissac, lequel y receut pareille courtoisie. Alors Monsieur Banc plante son bourdon à Clermont pour estant plus proche presider aux beueurs, publievn liure à l'honneur des Nymphes Françoises, & se gouverna si bien au traictement des malades, que de tous costés on aborde en ces lieux pour prendre de ces salubres liqueurs.

DE

D E L A S I T U A T I O N

des fontaines de Viclecomte.

CHAP. II.

Dans la limagne d'Auvergne y a vne petite ville nommée Viclecomte, distante du costé de Bisc de la ville de Billhom de deux lieues, de Clermont vers Soleil couchât de quatre lieues: elle est cincte de montagnes de toutes parts, fertile en bleds, vin, & prairies, de laquelle on peut dire ce que Dieu promettoit aux enfans d'Israël, de leur faire posseder vne bonne terre, de ruisseaux d'eaux & de fontaines, parmy les champs de laquelle, voire aux sommets des montagnes sortent & jaillissent des fleuves.

A demy lieue de la ville coule la ruiere d'Alier, ioingnât laquelle sôt ces fontaines minerales au territoire de Saint Maurice petit village sis au milieu de la montagne, qui nous

donne ces eaux, du ressort de Vicle-
comte, qui peut estre l'vne des cau-
ses pourquoy elles ont leur nomen-
clature de la ville; & non dudiect vil-
lage: veu qu'en terme des Legistes
les lieux circonuoisins des villes
sont compris sous leur appellation,
mesmes que cela sert aux estrangers,
qui s'y veulent trāsporter à se mieux
enquister du chemin. Cette riuierē
aux grandes pluyes & lors que les
neiges se fondent aux montagnes,
s'enfle de telle façon, qu'elle rait
la boisso des beueurs par son inon-
dation, battant iusques au haut du
tertre qui est esleué dessus de la hau-
teur de deux toises: Ce qu'à la veri-
té incommode; car quelquesfois il
faut attendre plus de huit iours, a-
uant que voir la derniere fontaine.
A quoy neantmoins on pourroit ai-
sément remedier par le destour de
la riuierē, si sa Majesté l'auoit com-
mandé.

*Quatre
fontaines
principa-
les.*

Ces fontaines sont quatre en
nombre, sans comprendre beau-
coup de petits ruisselemés, qui boüil-
lont

lonnent parmy les fentes du roc. La premiere est nommée sainte Marguerite, d'ancien employ, comme rse peut voir par la voute qu'on y a bastie. La seconde est dans le roc de la longueur de deux pieds, & de la largeur & profondeur de demy pied, poussant à deux bouillons. La troisieme est à cinquante pas delà ou environ. La derniere est à quinze ou vingt pas du tertre vis à vis de la seconde au bord de la riuere, quand elle est vn peu plus basse que de son ordinaire, d'où vient, que pour peu qu'elle s'enfle on est priué de son usage. Les trois premieres sont du long du tertre, & toutesfois on ne s'est que seruy de la seconde, & derniere, la premiere demeurant inutile, pour auoir moins d'esprits mineraux, & pour estre diminuée en la quantité de sa source. Ce qui est surueny par la curiosité d'aucuns, qui cuidans treuver l'origine de cette eau en fossoyant luy descouurent d'autres chemins qu'elle tient maintenant. La troisieme a demeuré inu-

fitée pour n'auoir esté bien recher-
chée iusques à present. Les trois der-
nieres sont dans le pur roc sans arti-
fice & aucun embelissement, n'y a-
yant que leurs propriétés qui les
rendent recommandables.

*DES QUALITEZ, ET DES
Mineraux qu'elles participent.*

CHAP. III.

*Doubles
qualités
des eaux:
naturelles
& accidē-
tales.*



Es qualités de cette eau
minérale sont doubles: cel-
les qui ont suiuy la naturel-
le composition, à sçauoir la
froideur, & humidité: finalement
celles là que le rencontre leur a
donné de diuers mineraux. De sor-
te que nous les tenons froides & hu-
mides naturellement, & par accident
chaudes & seiches. Ces dissembla-
bles & contraires qualités s'entre-
mellent & constituent ces eaux cō-
posées, presupposant la mixtion des
substances, auxquelles les susdictes
qualités adherent par nature. C'est
pour:

pourquoy ce n'est pas merueille de voir les qualités secondes & effets de ces minerales eaux estre si diners.

Car outre ce qu'elles rafraischissent, humectent, eschauffent & desseichent, elies astroignent, & ouurent, font acres, & lenitives, combattent ainsi diuersement les maladies, & se-

Pourquoy les eaux minerales ont des effets diuers.

courent la nature de diuerses parts avec vn si harmonique temperament, que l'vne des vertus n'empesche l'execution de l'autre, & où l'vne ne peut, l'autre y porte sa puissance tellement qu'il semble, que la nature aye contribué de tous ses mouuemens interieurs, au rencontre de ces mineraux, qui estans laués en passant de l'eau de ce cette fontaine la font participer à leurs vertus & puissances.

Car le nitre, le premier & le plus manifeste mineral qui paroisse en cette liqueur, luy a donné ses vertus d'attirer les humeurs congelées bien profond dans le corps, de nettoyer les humeurs qui cropissent es meats & passages lesquels ne peuvent estre long temps bouchés sans.

Premier mineral des fontaines de Viccomte.

detriment de nostre santé : de dissiper les vents & oster les tranchées du ventre : bref tout ce qu'il a de puissance. Or l'œil nous assure que cette eau participe du nitre le voyant nager par dessus, la main le touche : car on en peut leuer des lames blanches & salées, principalement lors que le Soleil faict son cours pres de nostre tropique.

Second. Celuy qui après se void mieux, & le second c'est le fer. Car l'eau en sa sortie laisse vn safran de mesme goust que sa rouille, & là autour de ces fontaines on treuve des pierres de sa mine: de manière que cette eau a tiré par ablution toutes les qualités & vertus qui sont en luy.

Tiers. Le vitriol se recognoist estre de la partie au moyen du goust d'aigreur, qu'il laisse à la langue. Pour prouuer plus certaine que ces eaux sont vitriolées i'en ay par distillation separé vne eau aigrette semblable à celle qu'on separe de l'huile de Vitriol: ioinct que ie n'y ay qu'apporté la mesme façon. Mais pour
auoir

auoir moins de doute, és lieux que la montagne. d'où coule cette eau, monstre le dessous des rochers, lon tire de la terre calchanteuse, de laquelle i'ay extraict par artifice du vitriol romain. Cette terre est de couleur cendrée, marquée de plusieurs taches, les vnes de couleur de rouille, & les autres retient au verd de gris meslé avec l'orpin, de mesme description que les mines de copereuse que Mathiolo dict estre autour de Senes en certains lieux egarés & matitimes. Quand on la tire elle ressent au souffre, & est puante. Or à proportion que nostre eau rencontre de Vitriol, elle s'orne de ses qualités, & vertus. C'est par luy qu'elle remet les intemperies chaudes du foye, non par contraire qualité de froideur (car il est chaud) mais d'autant que par son astriction il exprime hors les fibres d'iceluy ces humeurs, qui seruent à ces intemperies comme le bois au feu. Bref toutes les belles qualités que les Chimistes ont recogneu à ce mineral excellent
en

en cette eau. Il est vray que le goust donne plus de Vitriol en l'une de ces fontaines qu'en l'autre. Sur quoy vient à propos cette demande, pour quoy la fontaine basse, plus proche de la riuere & la plus froide est plus vitriolée: au goust que les autres. Aucuns voyans que les fentes du roc, par lesquelles cette eau coule, se rapportent l'une dans l'autre, ont tenu que toutes les sources de ce lieu ne sont qu'une, mais que la plus grande quantité de bitume qui est en aucunes y tempere le goust de Vitriol, picquant & acide, par sa douceur lenitive, ainsi que faiet l'huile le vinaigre dans les salades.

Pourquoy la fontaine la plus pres de la riuere est plus acide. Premiere raison.

Seconde. La seconde opinion a esté, que la chaleur q est es autres sources faiet que le Vitriol ne peut se communiquer au goust si aigré & picquant, comme il faiet en la plus proche de la riuere, où les esprits de ce mineral acide sont par la froideur resserés & plus valides à se faire sentir: & c'est l'occasion pourquoy son eau dans le verre represente tant de petites

tlres bouteilles comme perles.

La troisieme raison que l'on donne *Troisieme.*
ne est, que la veine du rocher d'où
sort cette derniere eau à plus de Vi-
triol, & que par consequent le goust
d'icelle en doit estre plus aigre &
picquant. Les deux premieres con-
siderations m'ont quelque temps ar-
resté: mais voyant quelle est la si-
tuation des mineraux és creus de la
terre (ce que j'ay peu faire dans la
mine proche de nostre ville au ter-
ritoire de Binet) j'ay suiuy la dernie-
re opinion. Dans icelle mine y a di-
uerles veines de roc, desquelles les
vnès ont plus grande quantité de
Vitriol, plus cuit & parfaict, que la
susdicts terre calchanteuse & de
couleur cendrée: les autres n'en ont
quasi point. Ce Vitriol le plus pres
du rocher est dur comme le ro-
cher mesme noir, & au goust fort
pur au respect de cette terre Vitrio-
lée qui tient le lieu plus bas. Ce con-
sideré ie reuiens à dire que la fon-
taine derniere pour auoir rencontré
quelques veines plus vitriolées, & du
plus

plus pur vitriol a le goust plus acide & picquant. Ce n'est pas que la seconde, qui est la premiere, que lon rencontre apres auoir descendu le terre, & la troisieme qui est plus loing le long du mesme terre, ne participent de ce mineral, mais elles en ont moins. Car la troisieme en a plus que la seconde, & vn peu moins que la derniere. Disons donc (assurez non seulement de la raison, voire de nos propres sens) que ces fontaines minerales de Vieillecomte sont nitreuses, ferragineuses & vitriolées; d'abondant qu'elles sont sulphureuses; bien que peu, & alumineuses. Que si on me presse de tesmoigner la presence de ces derniers mineraux souffre & alum, mon recours sera me ietter en l'opinion de ceux que Mathiote rapporte, quand il dict *Au reste parce que la coperoze a un goust picquant, aspre; & astringent, aucuns ont estimé qu'elle tenoit du souffre, du fer de la bronze, & mesmes de l'alum, du nitre & du sel. Il se treuve bien des pierres de couleur d'Ardoise, lesquelles*

quelles brulent mises au feu, mais non pas si tost que le souffre.

Outre les susdites qualités, cette eau est bitumineuse. C'est l'occasion qu'on y void nager dessus certaine graisse, si elle a seiourné tant soit peu dans quelque vaisseau. Le témoignage oculaire se tire des pierres qu'on trouue; desquelles la moitié ressemble au iayet, & brulle facilement. De maniere que ces fontaines sont amies du cerueau & parties nerveuses par le bitume; de l'estomach, foye, & reins par le vitriol: résistent contre les pourritures, les nettoient par le nitre & vitriol ensemble. Or parce qu'elles saillent chaudes au premier degré de chaleur actuelle, elles ne débilitent pas la chaleur naturelle, & sont de facile distribution, ce que les eaux communes à boire ne scauroient estre prinées en telle quantité.

Cette chaleur leur est acquise par le bitume principalement, & par la partie de cette terre calcechantuse qui tient du souffre, tous lesquels

Pourquoy
l'eau des
fontaines
de Vicle-
comme est
tiede.

Pourquoy
la fontaine
pres de la
riuiere est
plus froide
que autres

mineraux s'eschauffent quand l'eau coulate les touche, comme la pierre de chaux cuitte, quand on la mouille. Cest pourquoy la dernière fontaine prez de la riuiere est plus froide, d'autant que le vitriol qui s'y rencontre est purifié & séparé de tout autre mineral, & par consequent moins habile à eschauffer. Vitruue apporte d'autres raisons de la chaleur & froideur des fontaines minerales; pour estre bref i'y enuoye le lecteur.

POURQUOY DES FONTAINES minerales les vnes sont propres contre les maladies, & les autres non: ains plustost dangereuses à boire.

CHAP. IIII.



ONSIDERANT chez les anciens l'usage de l'ellébore, & comme ils n'admettoient que celui d'Anticyre iusques à s'y transporter de toutes parts pour en prendre

prendre, ie n'estonne pourquoy on ne se seruoit plustost de celuy qu'on eust trouué en lieu plus proche. Ceste pratique n'estoit pas sans raison pertinente. Car, bien que la terre soit par tout vne; neantmoins selon les diuers endroits & contrées elle a diuerses facultez de produire: d'où vient que de deux choses de meisme espece, l'une est estimée de plus grande vertu que l'autre; pour estre en territoire plus apte à la production, ou nourriture. En vain nos Medecins prescriroient vn mastic de Chio, vn rhabarbe & senné de Leuant, vn bol d'Armenie, & ainsi plusieurs autres, s'ils ne s'asseuroiét que ces medicamens prouenus de tels lieux sont de plus grand effect en ce qu'ils les employent. C'est ce qui m'a faict croire, qu'entre tant de sortes d'eaux medicables qui se rencontrent en diuers pays, voire en celuy-cy d'Auuergne, il y en a quelqu'une qui en propriété surmôte les autres. De ce nous tirons preuue de l'eau homogenee nuë de toute mixtion

heterogenée, en choisissant les sources de nostre journalier aliment, & y préférât les vnes aux autres, ou n'admettant en plusieurs lieux l'usage d'aucunes, pour estre expérimentées ennemies de nostre santé. Si est ce que toutes ces eaux n'ont qu'une mesme cause, mesme substance, & (quant aux sens extérieur) sous mesmes accidents: toutes douces, toutes froides & humides, & cependant les vnes par propriété occulte sont mortelles, & les autres aptes pour nostre seconde nourriture: Autrement ce seroit fable, non histoire, ce que Plin. rapporte de deux sources d'eau au pais de Macedoine, entre lesquelles estoit le sepulchre d'Euripide. L'une d'icelles estoit reconnue par les voyageurs tres-bonne, & l'autre vrayemēt mortifere, non par autre raison que par la seule experience. Car, crois-je, le goust, la couleur & odeur n'en estoient que semblables. Mais plus fabuleuse seroit la fontaine Styx, qu'il décrit ailleurs, laquelle, dit-il, beüe

beüe ne se treuve differente des autres ny en couleur ny en odeur, & saveur; mais tout soudain elle tue.

Si doncques en l'eau simple, non dissemblable en qualités sensibles on fait & chois pour nostre simple boire; que devons nous faire en celle que nous prenons pour garantir nos corps de maladie? On doit véritablement se tenir à l'usage d'icelles, que dès long temps on a espreuvé contre diuers maux, & n'aller ailleurs à son dommage faire nouvelle espreuve. Ce n'est pas peu d'importance que de se jeter dans l'essay d'une minerale eau, qui pourra rencontrer le sandarach ou arsenic avec les mineraux familiers à nostre nature; & cependant ny le goust, ny l'odeur, ny la couleur ne rendront. tesmoignage d'aucune qualité ritee d'iceluy, biẽ qu'en l'espreuve l'eau sera toute ennemie de nostre nature. Et quãd il seroit qu'ès minerales eaux cet estrange & venimeux rencontre ne se feroit pas, il peut estre, que de deux fontaines, ou

mesmes minéraux se rencontrent, par vne modérée température de qualités des choses qui composent en l'vne & excessiue en l'autre, l'vne sera digne d'éployer & l'autre inutile. Le traict de l'excellence des fontaines minerales de Viclecomte, du long essay qui les a tousiours faict voir tres-salutaires, & desquelles l'usage est supportable aux plus delicates natures.

EN QUELLES MALADIES les fontaines de Viclecomte ont esté espreuues.

CHAP. V.

LE N que ie puisse nombrer plusieurs infirmités de nos corps gueries par le remede de ces Nymphes, si est ce que la cause de toutes les maladies qu'on a combattu par cette eau, a tiré son origine du ventre inferieur. C'est la troisieme & derniere capacité de celles en qui les anatomistes ont di-

*Descriptiō
du ventre
inferieur.*

uisé.

uisé le corps humain, & se limite par les inferiōs du diaphragme d'une part; par les huit muscles de l'epigastre, par le peritoine, & epiploé de l'autre; par les lombes & ses cinq vertebres, & par l'os sacrum de la troisieme: & de la quatrieme par nos parties naturellement honteuses. C'est le lieu où logent les visceres (instrumēts de la faculté naturelle) comme l'estomach, le foye, la rate, les intestins, le mesētere, les reins, & vescie quant aux hommes, & la matrice de plus quant aux femmes. Tellement que toutes les indispositions, qui surviennent en ces parties, ou es autres endroits de nostre corps, par leur communication sont heureusement vaincues par la potion de ce medecament; presupposant l'aptitude du temps & saison, ensemble la disposition & moyens que l'on doit tenir en prenant ce remede.

VI. De cette generale promesse de guerison i'entens en forclorre les maladies aiguës, qui se fondent en

κάτοξυ ces lieux, & qui en despit de tout
 μὲν τὸ τῆς l'humain secours, non sans peril ac-
 ζ. ἡμῶς complissent vn certain temps, ou de
 οὐκ ἔξω- moins ou de plus de iours deuant
 πέρω περ- inoins ou de plus de iours deuant
 ἰον, ἀλλ' qu'on en tire iugement certain. Cel-
 ἦτοι κατ' les qui se iugent dans le septieme
 κούτην ἢ iour, ou plustot sont appellées tres-
 κ. περιαι- aiguës par Hippocrate, & simple-
 τερον κρι- ment aiguës; celles qui s'estendent
 νόμον, ὁ- iusques au quatorzieme, voyés Galen
 ξὺ τὸ μὲ- au commentaire troisieme; section
 χει τῆς 10. des prôgnastiques d'Hipocrate.
 ἰκτεινό-
 ρον.
 Ga. indef. Or. parcé que le remede de ces eaux
 med. ne donne que les effoëts petit à petit
 τὸ μετα- & à ceux qui patient en son usage;
 βάλλον ἰ- c'est pourquoy les maladies contre
 πὶ τὸ χεῖ- lesquelles on les prend doiuent estre
 ρον κ. ἰπὶ tardies en leur mouuement; qui
 τὸ κρεῖτ- souuent reuiennent en meilleur ou
 ἴον, κρεῖν- pire estat, & ne prennent que leur
 ῥον ἰν- possession en nous au bout de quel-
 μῆσι κ. ἰ- ques mois, ou vne année. εἰς αὐτὸν
 νιαυτοῖς ἢ εἰς ἑξήμησιον
 κ. σὺν αὐ-
 ποθνήσ-
 και τῷ ἀν-
 θρώπῳ.

εἰς ἑξήμησιον εἰς αὐτὸν εἰς αὐτὸν
 εἰς αὐτὸν εἰς αὐτὸν εἰς αὐτὸν
 εἰς αὐτὸν εἰς αὐτὸν εἰς αὐτὸν

C O N T R E L E S
maladies de l'estomach.

C H A P I T R E V I.

NOTRE les maladies diu-
turnes, celles de l'esto-
mach que ie vous desqui-
ray sont comptées, com-
me priuation d'appetit, pesanteur &
oppression d'estomach apres la refe-
ction, ensemble vne inquietude in-
tolerable. Quant à l'appetit perdu ie
crois qu'il n'y a eu personne de qui
cette faculté aye esté diminuée, dé-
prauée, ou perdue, qui ne la se soit
remise par le remede de ces eaux;
soit que le mal fust par cause adhe-
rente idiopathiquement à ce viscere,
ou qui communicast d'ailleurs em-
peschement à ceste action naturelle.
Il n'y a pas long temps que j'ay assi-
sté vne Dame de ceste ville aagée
d'environ trête ans, qui en aualant la
viande qu'elle auoit masché, luy
sem

sembloit qu'elle prenoit des estoupes, tant son œsophage estoit alteré par intemperie. Durant trois mois elle fut agitée d'une fièvre lente, avec des maux de cœur causés d'une vapeur hysterique. Quand elle prenoit quelque viande, c'estoit sans appetit, ou desir de manger. Lon fit par la voye de tous autres medicamens ce que dictoit la raison en l'art de medecine, si est ce que le soulagement qu'on donna au mal fut fort petit iusques à tant que la saison vint de pouoir boire de nostre eau. Car ie vous assure qu'en ayant vsé quelques iours elle reuint en conualescence.

Le iuge Mage du Puy contrainct, pour estre sans appetit, de demeurer dans vn liēt ne se soustenant en vie que par quelques viandes liquides, qu'il prenoit neantmoins à contre-cœur, s'estant pour boire de ces eaux faiēt porter en cette ville dans vne chaire & à bras d'hommes : vingt & deux ou vingt trois iours apres la moilleuratiō de sa maladie luy don-

na commodité de s'en retourner à cheval. Deslors ses concitoyens le virent bien tost aller parmy les ruës de ses pieds, & quasi tous les ans, tant qu'il a vescu, il a beu de cette eau, tant pour visiter le lieu, auquel il auoit obtenu vn delay pour sa vie, que pour empescher la recidiue ou recheute de son mal.

Vne autre sorte d'indisposition afflige quelques vns en cette partie, lors que demeurans vn peu de temps sans manger ils ont des deffaillances. l'ay veu boire quelques iours vn bon P. Capuchin de la prouince de Paris, & natif de ce païs, lequel au parauant l'vsage de cette eau alloit perdre la vie dans les abstinences qu'ont accoustumé faire ceux de son ordre: neantmoins ce remede luy fortifia de telle façon son estomach qu'il se vid exempt des syncopes frequens qui le prenoient lors qu'il eslongnoit le temps de sa refection, & fust allegé de la pesâteur qu'il sentoît en ceste partie apres sô repas & des inquietudes qui luy en arriuoier.

Gal. de
côp. phar.
ἀλλὰ καὶ
ἰσχυρῶς ἐ-
κλυομένης
ὅταν ἐπὶ
πολλοῖς ἀ-
σκήσῃται.

Il y en a qui ont l'estomach si detracqué de son office, que de là ils vomissent avec sousleuement de cœur, auxquels la viande qu'ils prennent se corrompt facilement, d'où viennent les vents à la bouche aigres & qui sentent à la fumée. J'ay assisté en la boisson de ces eaux vn notaire nommé Fournier, qui estoit du Velay, lequel ayant demeuré indisposé de tels vomissemens tout vn hyuer, au mois de Iuliet suiuant, dās quinze iours s'en retourna guerri. Or parce que le plus souvent les maladies de ceste partie ne sont qu'accidens de quelque autre lieu de nostre corps malade, comme du foye, de la rate, du mesentere, de la matrice, des intestins & des hypochondres, nous passerons outre, & dirons quels maux nous auons veu guerir en ces parties par l'vsage de nostre eau, prenant nostre commencement au foye & à la rate tout ensemble, à cause de leur ressemblance & proximité d'office.

QUELLES INDISPOSITIONS du foye & de la rate ont esté gueries.

CHAP. VII.

LE foye & la rate sont les deux principales parties, desquelles la faculté naturelle se sert pour instrument en ses communes actions. L'une, à sçavoir le foye, est situé sous le diaphragme, ou muscle transversal du costé droict. Il est connexé par les veines & membranes du petitoine au ventricule & intestins, par l'artere au cœur, par le nerf au cerveau, & par les veines (desquelles il est le tronc & origine) à toutes les parties du corps. Trois ligaments le tiennent suspendu & attaché, à sçavoir deux qui soustienent ses parties laterales, & celuy qui vient du cartilage scutiforme pour le soubstient de la partie superieure. Il est suspendu dans le ventre inferieur, eslongné

du diaphragme d'un trauers de doigt pour ne l'empescher en son office d'éuenter le cœur & les parties qui sont autour de luy. C'est vn viscere assez grâd, mesmes à ceux qui mangent beaucoup, environnant la plus grande partie du ventricule. Son endroit eminent est fait comme le dessus d'une voûte, & au milieu il est caue, où se trouue la vescie du fiel attachée au grand lobe. C'est le receptacle de l'humeur iaynastre & bilieux ja séparé de la masse du sang, qui a deux pores ou conduits, l'un qui va à la veine porte, donnant passage à l'humeur susdit pour se retirer du sang : & l'autre au bout du duodenum premier des intestins vers le commencement du second nommé ieiunū : & en plusieurs corps ce dernier tuyau en iette vn petit au fonds du ventricule, afin que cette vescie estant surchargée de l'excrement qu'elle reçoit, se puisse plus abondamment descharger.

A la ratte nature a donné place du costé gauche pour aider au foye,
qui

qui luy a donné de sa partie caue vn tuyau par lequel elle se descharge, & attice la partie crasse & limoneuse du sang. Elle est assez grande, aux vns toutesfois plus qu'aux autres; le paretenchue de laquelle est fort spongieux, aussi s'enfle elle & desenfle bien tost avec moins de peine que ne faiet la substance du foye.

Ces deux visceres sont composées de parties similaires les vnes continentes comme chair nerf membranes, veines, & arteres; les autres contenues comme sang, humeurs & esprits, & sont appellees parties instrumentaires, parce que nature les a formées de figure decente pour parfaire leur oeuvre. L'une & l'autre encourt les trois genres de maladie: les similaires, les organiques, & les communes testans subiectes toutes deux à perdre l'estat bien moderé de leur matiere, leur bon temperamēt, & la saine constitutiō de leur forme, d'estre empêchées de faire leur fonction par quelque vice de figure lors que leus meats & pores sont faiets

estroits par quelque excrement inutile qui empesche la vertu naturelle ou expultrice, ou retentrice. Or la plus part des maladies qui leur arrivent, notamment celles de qui ie feray mention, se guerissent en l'vsage de cette eau, si elles sont capables d'aucun secours. Voyons en quels maux du foye on a heureusement employé ce remede.

CONTRE LES INTEMPERIES du foye.

CHAP. VIII.

Simplex verò nulla intemperies diu sola consistere potest, quin breui tempore humoris vitium accersat.

AY remarqué plusieurs, de qui le foye estoit affligé d'intemperie, auoir pour leur guerison employé nostre minerale eau. Icy ie ne parle point de l'intemperie simple : car telle (comme remarque tres bien Fernel) ne peut estre long temps, sans appeller en brief beaucoup d'humeurs viciex en la partie où elle adhere. Ce viscere peut estre dis-

temperé

temperé doublement: en chaleur ou en froideur: En outre ces premières qualités peuvent excéder avec l'une des secondes: sec ou humide. Il est vray que les humeurs produits par le foye suivent le temperament originel d'iceluy. Car s'il est par trop chaud, il multipliera par tout le corps, & principalement en soy-mesmes les humeurs chauds & bilieux: s'il degenerate de la chaleur naturelle par la froideur, il ne donnera que des humeurs cruds & pituiteux. La seconde qualité de sec, si elle excède, fera que les humeurs ou chauds ou pituiteux seront crassés, secs, & terrestres: & la par trop humide les rendra tenues & aqueux: Ceux en qui l'humeur chaud abonde par l'interperie du foye, sont subjects à des fieures lentes, ou errantes: rendent quantité de bile par bas ou par haut, ou tenue ou pasle: ou crasse, jaunastre & fœtide: sentent tousiours vne amercume à la bouche avec vn desgouttement aux viandes & sont pressés de la soif. Ceux qui ont le

foye par trop froid ne sont ny copieux ny frequens aux âiectiōs par bas, lesquelles ne leur sōt guieres colorées ny mesmes fœtides : l'appetit aux viâdes leur est tousiours ouuert sans soif. Or parce que les intemperies où chaudes où froides de ce viscere sont la source des indispositiōs, qui non seulement luy arriuent, mais en plusieurs autres parties du corps. Je nommeray ailleurs ceux à qui j'ay veu remettre leurs foyes distemperés, & se deliurer d'autres accidēs qui estoient venus à la suite, lors qu'ils ont beu de l'eau de ces fontaines l'espace de quelque temps.

C O N T R E L E S

obstruções du foye.

C H A P. VII.



N T R E autres maladies qui suivent l'intemperie du foye, l'obstruction, & la durté sont les plus communes. Aussi voyons nous plusieurs malades, à qui le

le foye farci d'humeurs estoit opilé & deuenü dur, recourrit à nostre remede, & (qui plus est) en rapporter santé. Car le foye distemperé ou par chaleur, ou froideur avec l'exces du sec engendre trop grande quantité d'humeurs grossiers & visqueux, qui se iettent petit à petit dans les petites veines destinées pour porter la nourriture d'iceluy, qui en fin sont estoupées, d'où vient que ce viscere s'acquiert vne grandeur excessiue à sa nature & s'endurcit lors que l'humeur, duquel il est plein, par le seiour dissipe ses parties les plus vaporeuses. Que si on considere les vertus de nos eaux, on y treuuera tous les moyens de guerison qui se pourroient excogiter contre le schirthe de ceste partie, & plus facilement contre ses obstructions car, s'il est question d'amollir la chose enduree, vous aués l'humide, qualité naturelle à ceste eau, & celles qu'elle a tiré du bitume. Faut il inciser, & attenuer, voire ietter par bas les excremens & humeurs trop espés, on satisfaira à

cette intention par les vertus du nitre & vitriol. Ce dernier mineral duquel elles sont participantes remet les parties par trop enflées en leurs bornes de naturelle grandeur, leur conseruant par son astringtion les esprits de la chaleur naturelle & humeur radical. Si est il vray que le schirrhe du foye, selon la qualité de l'humeur dont il est causé, est plus ou moins pernicieux. Car celuy auquel tous les signes d'un foye extremement eschauffé paroissent, & qui à ce viscere imbu d'humeurs bilieux, qui en brief dissipent & sa chaleur naturelle & son humeur radical, deuenu schirrheux, sans doute il est en petit chemin de guerison, comme ie remarque au chappitre des accidens qui peuvent arriuer parmy l'usage des minerales eaux. Mais celuy qui en son hepaticque ducté a pour cause les humeurs crasses qui suiuent la nature des pituiteux, supporte plus long temps l'incommodité de son mal, & bien raremēt est il frustré en ces eaux de l'esperance de sa guerison.

Or

Or la mesme cause qui opile le foye se rencontre le plus souuent assés capable pour en faire autant a la rate, d'autant que la fonction de l'une de ces parties lesée, celle de l'autre ne peut demeurer en son integrité. Car il arriue, ou que premierement par la faute de la rate, le foye se remplit d'humeurs, qui à la fin occupent ses pores & meats necessaires pour l'attraction du chile & expulsion de ses excremens : ou qu'autant en doit il arriuer à la rate par l'affliction de son foye.

De maniere que comme ces deux parties sont communes en leurs indispositions & en beaucoup d'accidens, de mesme le sont elles en remede & par conséquent en l'vsage de ces eaux.

Madame de Combes tres-vertueuse & religieuse Dame de S. Pierre de Lyon, aagée d'enuiró tréte ans, se porta en l'vsage de ces fontaines pour se deliurer de grandes obstruktion & durtés qu'elle auoit en la rate, foye, mesentete, & matrice, par

com.

communicatiō de l'un à l'autre. Son cerueau l'arrousoit, mais plustost répelloit de plusieurs defluxions, qui auoient desia destruit la bonne habitude de son corps, de sorte qu'elle auoit desia le pied sur le fueil ou entrée de l'hydropisie. Ses iambes s'enfluoient, elle auoit son ventre tardif aux naturelles deiections & difficile à y estre excitée par remèdes. Apres auoit languy long temps, bien qu'elle n'eust manqué de toute autre sorte de remède parmy tant de celebres medecins de sa ville, fut par eux tres bien conseillée de recouürir à ces eaux, où la guerison qui luy en suruint surmonta de beaucoup l'humaine esperance.

Vn reuerend Pere Bernard, Capucin de la prouince de Lyon, pour auoir vsé de ce remède a perdu la grosseur & tension de son ventre, qui procedoit de la grâdeur excessiue de son foye & ratte farcis & réplis excessiuelement d'humeurs, la surabondance desquels luy auoit rempli de mesme le mesentere & les glandes,

Nous

Nous auons en cette ville la femme d'un marchand encore viuante, qui par deux diuerſes fois s'eſt deſenſee le foye, rate & matrice, & remis ſon ventre en ſa naturelle grandeur par meſme remede.

C O N T R E L E S

trois ſortes d'hydropiſie

C H A P. X.

ESTANT le premier eſſet de nos fontaines la guerison d'un hydropique anasarque natif de Meſey pres Verreison de deux lieues d'icy. (c'eſt celuy duquel ie vous ay parle au commencement) il eſt raſonnable, que ie vous face voir qu'autres ont cueilly meſmes fruiets de guerison. Or cette maladie ſe faiet lors que noſtre foye eſtant refroidy grandement, ou par quelque inflammation, ou par quelque durie precedee par les obſtructions, ou par quelque autre sympto-
me

me propre à ce viscere, ou suruenu de la communication qu'il a aux autres parties du corps, arrive qu'il ne faict plus le sang parfaictement elaboré.

On cōstitue trois sortes de ce mal. Quelquesfois l'humeur aqueux est moindre en l'enfleure que l'esprit venteux: ou iceluy esprit enclos dans les intestins gresles soubleuant le fonds du ventricule, faict qu'il ne peut apprehéder les viandes pour les cuire & en extraire vn suc bié cuit: le foye aussi altere sa chaleur naturel le par les flatuositez qui le destournēt de son œuure, à scauoir de faire vn sang louable. De là vient l'hydropisie premiere, appelée tympanite, veu que le ventre resonne comme vn tambour, quand on le touche. Hippocrate luy donne nō d'hydropisie seche.

L'autre sorte, qu'on appelle ascite, lors qu'il y a plus d'eaux que de vœ, se faict en apres qu'une rate, ou vn foye par des obstructions causées d'une excessiue quantité d'humeurs crasses

crasses & gluants, s'endurcissent, ou quand il survient quelque long flux de ventre. Alors au lieu du sang, il s'engendre des eaux desquelles le ventre se remplit & autres parties basses: le reste du corps se consume & languit par faute de nourriture. Quand on touche les parties du corps enflées, il semble que ce soit la peau d'un bouc pleine d'eau, ou autre li-
 queur que les Grecs appellent *ἄσκη*, d'où vient *ascite*. La derniere se dict *anasarque*, lors que toute la masse du corps est remplie d'un sang pituiteux & froid, engendré du foye d'empere: ou lors que par cause estrange les chairs mesmes se résolvent en eau, de façon que le corps vient de couleur blanche, cōme celuy d'un mort. Cette derniere espee est à la suite des fiebres lentes, des mauuaises habitudes de l'estomach, des suppressions des hemorrhoides, ou mois des femmes, des difficultés d'haleine, & d'autres fautes semblables. On sçait en l'art de medecine combien ceste maladie est rebelle au secours:

néanmoins ces eaux minerales y ont beaucoup de pouuoir.

La femme du sieur du Bois praticien de Thiers apres la suppression de ses mois eut des douleurs autour du nombril, lesquelles s'augmenterent apres auoir prins vn médicament laxatif, qui luy auoit esté prescript en meilleure intention. Son ventre s'enfle, & le foye, la rate & matrice sont au touchet distinctement recognus plus grands que de coustume & durs: la fiebure accompagne, qui prenoit force, en quelque heure du iour: les douleurs continuent en despit des medicamens. On la iuge hydropique tympanite iouxte l'aphorisme d'Hippocrate coté en la marge cy dessus. Côme ló void que durant quatre mois toutes sortes de remedes auoient esté inutiles, on l'enuoye à ces fontaines au mois de Iuliet. Elle print ses eaux en deux fois, a scauoir durant six semaines la premiere fois, & durant quinze iours la detniere, où elle s'en retourna à demy guerie, & le fut par fai

parfaitement vn mois apres: Dés ce temps là elle a esté en ces quartiers seruit son mary malade d'une colique.

Vne autre femme de mesme ville mariée avec l'hoste de la poste, estât vrayement hydropique ascite, & enflée d'une estrange façon, deux mois apres l'vsage de cette eau reuint en conualescence.

Par mesme moyé a esté deliuré de l'hydropisie vn Mestayer des Chanoines de ceste ville aux Relos.

C O N T R E L E S

douleurs de teste diurnes

de qui la cause est en

l'intemperie du

foye.

C H A P. XI.



Vn corps naturellement pituiteux, vn foie distemperé en sa chaleur engendre abondamment d'humours salés, acrés & niteux, qui dis-

persés par toutes les parties du corps
font diuers accidēs de maladie, prin-
cipalement au cerueau des diutur-
nes douleurs de teste. Vn bon reli-
gieux des peres Recoles d'Orleans a-
bondant en pituite salée, a cause de
l'intēperie de son foye, estoit affligé
d'enōi douleur de teste, de bruits d'o-
reilles, qui quelquesfois suppurōient.
Parfois lors q̄ sō cerueau se deschar-
geoit aux iointures, il enduroit des
gouttes. Apres auoir demeuré quel-
ques années en cest estat recourut à
nos liqueurs minerales & en leur
boissō durant vingt & cinq iours, est
eschappé de tant de maux, & s'en re-
coursa comme renouuellé.

CONTRE LES GALES & morphées

CHAP. XII.



V E V N s, par la trop gran-
de quantité de ces humeurs
acres & salez dispersés du
foye par toutes les parties

du corps, principalement en la superficie, ont leur peau infectée de gales & morphées. Nous auons vn ieune homme de ceste ville tisserand aagé lors enuiron de vingt cinq ans, qui s'estant habitué ailleurs pour exercer sa vacation, deuint en si piteux estat par vne gale vniuerselle, que parmy le vulgaire on le tenoit desia de la société du Lazare. Mais le breuuage de nos eaux continué quelque temps, l'a despoüillé de ceste miserable peau, & à present il est en tres-bonne disposition.

CONTRE LA DEBILITATION ou tremblement des parties nerveuses, & autres accidens qui suivent les intemperies chaudes du foye, comme Vertiges, bruits d'oreilles, & tels semblables.

CHAP. XIII.



Es confederés de Xilopse ne qui n'ont que bon temps tant qu'ils auallent vin & viande, sans faire au-

& manger viandes à toutes heures, distéperer son foie qui luy enuoyoit quantité d'humeurs acres par tout le corps, desquels les parties nerveuses s'abbreuient; & en fin tumba en telle debilitation de nerfs qu'il apprehédoit de celebrer messe, ne pouvant tenir les mains tendues en haut en lelevation du saint Sacrement tant elles luy trembloient. Son recours fut, non aux medecins, mais à l'exemple de plusieurs autres à nos minerales eaux, au moyé desquelles il asséure ce mouuement ja tremblât des muscles. de ses mains & bras, & se garentit de plusieurs autres accidens qui le pressoient. Car desia il ne pouuoit se baïsser contre terre sans tournement de teste, & sans luy apparoir dedans les yeux les faux mouscherôs qui semblent estre veus en lait. Partant ie m'estonne fort de le voir en sa premiere façõ de viure, contre les protestations qu'il en faisoit auant sa guerison. Ie croy que la grande commodité qu'il a de ces eaux faict qu'il ne se soucie non plus

de retourner en son mal, que Neron
autrefois de ribler la nuit parmi
Rome, encore qu'il y fust souuēt bat-
tu, & son visage noircy de coups.
Mais ayant desia experimenté la
prompte vertu que la Thapsie a cō-
tre les liuiditez & meurtrisseures,
il s'asseuroit tousiours de pouoir
le lendemain paroistre en plein Se-
nat. Vn Orpheure de Bilhō opilé en
sō foye & ratte, auoit les yeux ophtal-
miques, de qui la tunique coniu-
ctiue & les humeurs estoient gran-
dement enflammez, estant dissuadé
par moy mesme de ne boire de nos
eaux, que ie voyois vaporcuses; &
neantmoins passant outre, dans huit
iours, ie luy vis ses yeux nets & gue-
ris tout à fait.

CONTRE

CONTRE LES IN-
temperies, oppilations,
durtés de la ratte
& matrice.

CHAP. XIII.

S I on considère la proprie-
té de nos fontaines contre
les susdictes passions du
foye, ne les iugera on pas
de mesme pouuoir à guerir sembla-
bles affections & symptomes de ma-
ladie arriués en la ratte puis qu'elle
est vn second foye. & que ces deux
parties ont en nostre corps quel-
que action commune ? C'est la
cause pourquoy en tous accidens
morbifiques de la ratte on les a vti-
lement experimentés, notamment
en toutes oppilations & intemperies,
insques à guerir les durtés spleneti-
ques & schirrheuses, bien que diffi-
cilement on n'aye veu le foye delaisser
sa durté parfaitement schirrheuse
en ces eaux, ny moins par autres re-
medes. De vray il estoit bien raison-
nable

nable , d'autant que la ratte s'enflloit de moindre cause , & s'endureissoit plus facilement , qu'elle aussi avec moindre peine peust reuenir en sa premiere constitution. La cause est que le parenchime (comme iay desia dict au chap.7.) de ceste partie est au respect du foye beaucoup plus spongieux, & par cōsequent ses fibres plus lasches en son extensio & restriction. Vne Damoiselle qui se nommoit Doradoar demeurant pres de Brioude ville de ce pais , auoit sa ratte & matrice enflées , dures & schirrheuses. Apres qu'elle eut demeuré ainsi affligée durant trois ou quatre ans, assubiectie à toutes sortes de remedes sans aucun profit , se porta de par de ça sous la reputation de nos eaux , desquelles elle beut l'espace d'un mois. Iceluy passé ie l'ay veüe partir d'icy, non à la verité toute entierement guëe , mais ayant son ventre beaucoup diminué , & avec vne loüable disposition en tout le reste de sō corps, disāt qu'elle sentoit tous les iours vne manifeste separa-
ti on

tion de son mal.

Les durtés de la ratte, foye & matrice de la Dame du Bois de Thiers, de laquelle j'ay faict mêtion au chap. de l'hydropisie, se sont remollies & resolues par le breuage de cette eau.

Au chap. 9. ie vous ay faict voir de mesme le R. P. Bernard Capucin guery & deschargé d'un gros ventre, dans lequel son foye, ratte, & mesenteres s'estoiét agrâdis par l'obstruction qui empeschoit la descharge naturelle des excremens & superfluités qui iournellement s'amassent en chaque partie.

Quant à la matrice, pourquoy faitra on doubte qu'apres la continuation de quelques iours au boire de cette eau, son schirre & durté ne se diminue, voire ne se dissipe du tout, puis qu'elle a vne grande puissance pour oster la cause morbifique de cet effect. Car n'est il pas vray que l'intemperie de la matrice appelle les humeurs ainsi qu'elle fait aux parties qu'elle attaque, & que ces humeurs cropissans s'echauffent, s'echauf

chauffans donnent matiere & seruēt de foyer à cette distemperée chaleur. Ne sont ce pas ces humeurs, qui s'accumulās de iour à autre farcillēt les pores & meats de la matrice, & font extension de ses fibres, pour auoir place? Or la chaleur croissant & s'augmentāt se faict vne durté schirteuse, laissant les parties subtiles par resolution, les crasses & terrestres comme cimentées. Cette durté qui reste n'est donc qu'un effect, la cause duquel commence par l'interperie, cōtinuée par l'appel d'humeurs crasses & visqueux. Que si la durté reçoit guerison en ces fontaines, pourquoy est ce que la cause ne sera ostée par elles, icelle n'estant au plus haut degré de son pouuoir?

Il est vray que ces humeurs gluans & visqueux qui en cet endroit s'accumulent en plus grande quantité que ne permet nature, ne produisent pas tousiours le schirrhe en ceste partie. Car il se peut faire, que la matrice empesche qu'iceux ne facent en soy trop de seiour, pour s'en descharger

par

par fois : si est ce que par leur moyen il peut suruenir d'autres accidens qui sont assés espouuantables , lors que de ces humeurs ia corrompus par leur trop long seiour , s'esleuent des vapeurs hysteriques, putrides , qui par acces & paroxismes suiuent tout le corps, y agissans diuersement selon le diuers rencontre des parties d'ice-luy. Car si telles vapeurs donnent au cœur, elles y font le palinos & palpitation desfreiglée de ses arteres : en l'estomach donnent plusieurs accidens stomachiques , desquels i'ay faict métiō plus haut; au cerueau fōt les vertiges & tournemens deteste, ou (qui pis est) fōnt choir de l'epilepsie. Nous auons veu plusieurs Dames soulagées, mesmes deliurées de tels accidens , apres qu'elles ont accompli quelque mois par interualles en la diete de ces eaux.

CONTRE LA STERILITÉ de la matrice.

CHAP. XV.



N'cognoist qu'une matrice est bien disposée, lors qu'en aage deu, ayant, pour la cōiunction, partie légitime, elle porte fruit & ne demeure infertile. Que si le contraire arriue en vne ieune femme accomplie de ce qui est requis à la generation, ne doit on pas constituer la cause de sa sterilité en sa matrice? Car ceste partie ne se purgeant pas ménstruellement devient vne cloacque d'humeurs. Que si elle se purge, ce sera en plus grande quantité & plus souuent qu'il ne seroit requis naturellement, d'où vient que la matrice se rend subiecte à receuoir toute descharge d'humeurs que font les autres parties du corps en son endroit. Ainsi le temperament de la Matrice par trop humide faict que la semence virile ne
peut

peut faire aucun seiour en elle, & ny peut estre elaborée & changée en sa deüe formè, ne plus ne moins que le grain du bled semé en lieu trop gras & marescageux. Beaucoup d'honnestes femmes vſitant nos fontaines pour remedier à ce deffaut, y ont merueilleusement bien cōténté leurs desirs, ayans tost apres leur vſage conceu & veu de leur generation.

Entre autres la femme du ſieur Pinon (à la diligēce duquel nos fontaines ont esté recognues) a faiēt en ceste ville en la compagnie de son mary deux ou trois enfans, & a present mariée en ſecondes nopces en faiēt quasi tous les ans, là où auparavant elle en auoit bien paſſé quatorze en son premier mariage ſans eſperer ſur la fin aucune ſienne poſterité.

CONTRE LES SUP-
pressions des mois.

CHAP. XVI.

EN toute supressiõ des mois, il n'y a recours si asseuré que ces minerales eaux, lesquelles ont remis plusieurs fêmes ou filles dans cette purgation naturelle, le manquer de laquelle cause & apporte plusieurs graues accidens au corps. Ne void on pas les filles, lors que leur enfance se chäge en puberté, si cette purgatiõ menstruelle tant soit peu se retarde, estre accablées de diuers maux, que ie comprends sous l'appellation, & nom vulgaire de pasles couleurs. Or ce mal a esté l'un des premiers qui nous a manifesté les vertus de nostre eau. Certaines filles (maintenét fêmes de cette ville) en donneront bon tesmognage, & ne sera hors de propos de mettre icy les vers que fit en ces saisons feu Monsieur Lameterie docte & plein de

de facilité en la poésie Françoisse,
pour dissuader l'une d'elles de l'usage
de cette minerale, eau, luy proposant
vn autre facetieux remede contre
les pasles-couleurs, disant,

Vne pucelle de merite

Beuvoit par ces grandes chaleurs

Dé l'eau de Sainte Marguerite

Pour remede aux pasles-couleurs

Sa deuotion ne fust vaine

Et luy succeda si à poinct

Que sur la fin de sa neuuaine,

Elle reprit son en bon poinct, & ce

qui s'ensuit.

CONTRE LES AFFE- ctions hypochondriaques.

CHAP. XVII.



N ce mesme ventre que
plus haut i'ay descript se
rencontre vne sorte de
cause morbifique estran-
ge, laquelle communiquant ses veni-
meuses & noires exhalations au cer-

ueau faict quelques-fois que les personnes tombent en insanie, donne pour la pluspart des palpitations de cœur & autres accidens equivoques à ceux qui suivent les fureurs hysteriques. Nous appellons ces maux affections hypochondriaques, & ce d'autant que les flancs, ou hypochondres sont le lieu où tels effects prennent leur origine. Plusieurs affligés de cette indisposition en beuvant de nostre eau ont remis les parties de leur corps debilitées & detracquées de leur deuoir par la contagion de cette melancholique vapeur.

Icy lon remarquera (comme en toutes indispositions qu'on doit guerir par ces eaux) que la cause ou partie communicante le mal, doit estre vraiment originaire du ventre inferieur, & accidentairemēt venuë, non dès nostre constitution naturelle. Car la simple & seule intemperie chaude du foye tirée de la semence des parens ne cede non plus à nos Nymphes, qu'à toute autre sorte

te de médicament : bien est vray que la vehemence des effects de cette intemperie peut estre reseruee & comme cause destournée d'agir pour quelque temps, mais non pas du tout abolie & mise à neant. Car en vain on se peine & vouloir tollir ce que nature a voulu estre : toutesfois cest beaucoup quand on se peut donner vn delay au mal que lon peut guerir tout à fait. Nous auôs veu Monsieur Bernard Bourguignô, persónage qualifié, qui estoit en ces lieux beuveur de nos eaux. Il estoit vrayement melancholique & par fois se trásportoit en des estranges & tristes imaginations, avec vne bassesse de courage, s'assopissant en ses pensées, sans toutesfois qu'on recogneust en luy aucune communication de vapeurs par les hypochondres, lesquels il auoit exempts de route intemperie. Son ventre luy estoit libre en ses actions naturelles. Il ne iettoit aucune saline *Melancholice* deuant & apres le repas, comme font *sputatores* les melancholiques, & ne sentoit aucune ardeur en son ventre, ny rouler

& bruire des vents en iceluy: c'estoit neau moins de cedi & vêtre q son mal luy estoit communiqué au cerueau. Car il cessoit lors que les vapeurs cessoient de s'esleuer d'en haut. Ceux qui en auoient recherché l'origine la preuoient au tres-chaud temperamēt de son foye, excédant en chaleur dès le confus moulement de sa substance, & accru en cette intemperie selon l'augmentation de ses années. Or estant ce foye au delà l'estre temperé de nature, changeoit continuellement le chyle tiré à soy par les meseraïques en vn sang aduste & brûlé, plein d'exhalations seiches & fuligineuses, qui euaporées au cerueau luy obscurcissoient l'esprit, & en passant desregloient le diastolée & systolée du cœur, d'où luy suruenoit sa palpitiō. Quand il quitta l'usage de l'eau de nos fontaines pour se retirer, il me dict que la disposition de son corps luy estoit plus saine, & qu'il emportoit quelque repos de tant d'agitations que luy causoient ses fausses imaginations, & qu'en cela il reconnoissoit

gnoissoit son mal bien moderé mais qu'il auoit encore des accès & venues de son mal. Par ainsi il ne s'en alla point du tout guery, parce que son mal prenoit son origine dès la semence en laquelle la matiere de só estre & existéce auoit esté expulsée. De mesme on ne void guere que ceux, ausquels les vapeurs hypochondriques ont tout à fait alteré le cerueau, reuiennent facilement en conualescence. L'annee passée vn grand chastré sans barbe, qui pour auoir serui feu monsieur le Doyen de saint Iehan dernier mort à Lyon, auoit obtenu vne cure en Forests, viét pour boire de nos eaux. Il estoit vraiment hypochondriaque & me dict qu'il estoit en perpetuelle peur. Il n'auoit pas donné six paroles qu'il fremissoit, remuant les yeux; mesmes il grondoit comme vn porceau parfois, & lors croyoit l'estre. l'ay esté marry que ie n'aye veu quel profit luy ont apporté nos eaux: & que par son soudain despart il m'aye priué de ceste cognoissance.

Quant

Quant aux vrais hypochondriaques, ils ont tousiours experimenté que ces fontaines estoient leur vray remede. Nous en auons eu vn testimoignage signalé d'un nostre voisin, lequel estant deuenu vray hypochondriaque auoit demeuré trois sepmaines sans qu'il creust auoir dormi, ne pouuant ny boire, ny manger que par force, & contre son naturel, estoit accompagné d'une grande douleur de teste, qui par fois luy occupoit la nucque, les espaulles, & se iettoit à boutades dans les muscles lateraux, ou intercostaux : il croyoit (comme font tels malades) de ne pouuoit iamais guetir, ayant ses hypochondres tendus, bruyans & iettans par tout le ventre, & delà par tout le corps. Principalement vers ses parties superieures, beaucoup de flatuosités : de façon qu'on ne s'artendoit que l'heure de le voir du tout aliené de son sens, comme desia celuy qui par fois mettoit ses actiôs hors la raison. La cause de tant de symptomes estoit recognue pro-
uenir

uenir de la congestion de plusieurs excremens, Quand ie parle d'excremens, i'entends ceux qui restent apres la seconde & troisieme digestion, qui s'accumulent aux desreiglés de leur boire & manger, au nombre desquels estoit cestuy-cy, de qui la vacation portoit vn iour de feste faire autant de repas qu'il y a de trois heures au iour, & sçauoit fort bien les expediens pour en faire de mesme les iours ouuriers. Par ainsi le frequent vsage du vin mettoit hors de ses bornes la naturelle & temperée chaleur, laquelle au lieu de preparer par deüye coction la nourriture du corps la brusloit & faisoit inapte d'estre naturel aliment. Or ce qui est bruslé tenant de la chaleur & seicheresse, n'a autre contraire (le prenant estroittement) que l'humide & le froid. Nos eaux de prime face semblent suspectes en leur vsage & que celuy qui les employe contre les melancholiques affections veut renuerfer la loy generale de guerir le contraire par son contraire. Car qui

ne

ne regarde que d'un costé void leur qualité exceller en vertu chaleureuse & siccative, qui paroist deuoir augmenter le mal qu'on souhaite d'oster : mais ce dernier, duquel ie viens de vous parler apres en auoir beu par deux diuerses fois a eu commodité de retourner en son premier estat de viure par la iouissance de sa santé : & d'autant que ces intemperies qui arriuent accidentairement ne durent que tant que quelque humeur leur sert de foye & matiere, si par la vertu de quelque medicamēt, qui en passant restreigne les parties où il reside, il vient à estre exprimé & ietté hors, qui doubte que la chaleur, de laquelle cet humeur ja' exprimé estoit le siege, quant & quant ne s'en alle ? Cest de ce costé que nous disons que le vitriol, le vin d'Absynthe, & ainſi tels autres rafraichissent, & que nos eaux de Vieillecomte ont pouuoir de tollir ces intemperies symptomatiques, d'autant qu'elles ont les qualités du calchantium & du fer mêlés d'une har

harmonie indicible avec les leurs
propres formelles & inseparables.

C O N T R E L E S M A L A -
dies des intestins premierement
contre les coliques.

C H A P. XVIII.

PAR diuerſes cauſes aux
boyaux du corps humain
arriue vne maladie pleine
de paſſiõ & rage que nous
appelons colique, laquelle eſt engé-
dée d'humeurs froids & bilieux, ou
d'vne pituite engendrée, ou en leur
ſubſtance meſme, ou y tombant de
quelque autre endroit; ou par leur
inflammation, par la retention des
excremens & feces de la premiere
digestion deſſeichés par la conti-
nuation des flatuoſités craſſes, & par
vne infinité d'autres moyens, non
ſeulement par primitive & propre
indispoſition; mais auſſi par conſen-
tement que les inteſtins ont avec
leurs parties proches & voiſines.

En iceux s'engédrent quantité d'humours acres & mordicans, qui par le seiour s'attachent à leurs tuniques, s'eschauffent apres, se corrompent & engendrent inflammation : d'icelle viennent les douleurs, qui s'augmentent quand le malade prend des aliments ou médicaments chauds, & bien que leur appetit debilité ne les prouoque à manger, si ne peuuent ils neantmoins sans se nuire supporter l'abstinence. Qu'arriue-il en fin? Par sympathie que les boyaux ont avec les parties nerueuses, principalement avec le cerueau par la sixieme coniugaison, & à l'espine dorsale par leurs tuniques, les coliqueux deuiennent paralitiques principalement des bras & mains. Plusieurs priués de l'action de ces parties, vrays coliqueux, sont reuenus en leur premier estat de santé, quasi hors l'esperance humaine. L'un des premiers, vn de la voute de Chillat, & vne femme dudit lieu qui estoient logées en ceste ville chez le sieur Pinon enuiron l'an six cents. Le Cu-
ré

ré d'Obicre pres Clermont suiuit
quelques années apres & vne infini-
té d'autres, qui affligés de mesme
ont obtenu guerison par le moyen
de nos fontaines. Vne honneste
femme mariée au greffier Nedias
d'Oliergues paralitique & coliqueu-
se se fit porter en cette ville pour
boire de ces minerales eaux. Je vous
assure qu'au commencement on en
faisoit conscience, tant les douleurs
coliquenses l'auoient abbatue de ses
forces. Elle ne dormoit point, estoit
en siebure, & ne prenoit aucun ali-
mēt que ce ne fust par force: mesmes
ses douleurs ne l'auoient bonnemēt
pas quittée. En fin pour la contenter
en l'esperāce qu'elle auoit à ce reme-
de on s'enhardit de les luy prescrire
& non en vain; car au bout de quel-
ques iours, elle fut hors de ces
miserables accidents, & quant à la
paralytie on voyoit à veuë d'œil re-
mettre son mouuement perdu. En
cet vsage ses douleurs premieres la
reprindrent, qui faillirent la destour-
ner de ce remede, & par consequent

de la guerison. Je pourrois icy inserer beaucoup d'autres exemples si ie ne m'estois proposé la briefueté. Car il semble que ces eaux ne soient que propres cōtre les coliques passions, tant ont esté insignes & frequens les effects qu'elles ont rendu contre ces maux & les accidens qui les suivent.

C O N T R E L A dysenterie.

C H A P. XIX.



N ces pays Septentrionaux, où nos corps sont interieuremēt plus chauds & humides, & par consequent abondent d'autant plus en humeurs pituiteux & bilieux, accidētairement, s'engender populairement le flux de ventre, que nous appellons dysenterie, laquelle se fait lors que la bile & pituite agitez de causes supérieures, & meslees ensemble, farcis-
sent les veines & capacitez du ven-

tre, & viennent à corrompre le sang, vlcérant & rongéant les intestins d'une acrimonie estrange.

Nos eaux qui ont cela de propre que de desgorger les parties par trop pleines d'humeurs, de résister à la putrefaction d'iceux, nettoyer les parties vlcérées, & les cicatrifer par l'astringente vertu qu'elles ont, & de deisseicher, y sont tres-propres. L'expérience nous en a esté comme fortuite l'an 1606. qu'une mienne voisine estant atteinte de ce mauuais mal, ne pouuant supporter la soif insatiable qui suit cette maladie, se fit bon gré mal gré donner de cette eau. Lors qu'elle en beuvoit ses douleurs s'amoindrissoient. En estat aduertie i'en approuay l'vsage, & prins la hardiesse en semblables autres maladies d'en donner, au tres-grand profit des malades.

C O N T R E L A V E R
mine du corps & autres choses
estrangees, qui s'engendrent
en nos boyaux.

C H A P. XX.



E s t principalement en nos intestins , que nous voyons s'engendrier trois sortes de vers : les longs & ronds, que communement on void en toutes sortes de personnes, & le plus souvent aux petits enfans : les larges & plats ressemblans à la sémence de courge, plus rares que les autres : & les petits qui naissent volontiers autour du sphinter au bout de l'intestin droit. Or parce qu'il se rencontre, bien que rarement, des personnes de qui la tunique interieure de quelque intestin se soit conuertie en vn vers de mesme grandeur, ie peux dire que dans nos intestins se rencontrent quatre especes de ces animaux, desquels

quels la pourriture des conduits, qui journalierement s'accumulent en ces parties, ioincte à vne chaleur forte, est la cause efficiente & materielle, ne plus ne moins que nous voyons au dehors s'engendrer mouches, vers, & tels autres imparfaicts animaux, lors que quelque humeur se corrompt, le ciel contribuant beaucoup de chaleur. Or le plus souuent nous les nourrissons dans nous l'espace de quelque temps sans estre atteints de maladie: mais dès lors qu'ils s'agitent & vagabondent en nos corps, il n'y a de si estranges accidens, que ceux qui nous sont suscités par leur emotion, qui se faict quand ils cherchèt plus ample nourriture, ou lors qu'ils se desplacent par quelque excessif mouuement de nostre corps. Car leur emotion emeut les humeurs corrópus, parmy lesquels ces animaux s'engendrent, de sorte qu'ils infectent le reste du corps de vapeurs estranges, d'où sortent diuers accidens de maladie, selon les parties qui en sont attaquées.

tellement que ces vapeurs montans au cerueau font l'epilepsie : au cœur l'ypothimie : à l'estomach to⁹ les accidens stomachiques, comme vomissemens, appétit de praué, & estrange : bref tout le corps languit en ses actions, naturelles, & vitales & animales : il se consume farcy de tels animaux, qui rauissent toute la substance, de laquelle tous les iours chaque partie s'alimente. Que s'il vous ressouuiët, comme j'ay dit ailleurs, que l'eau minerale de ces fontaines a vertu de résister cōtre la pourriture, pourquoy ne la iugera on tres-cōuenable remede pour descharger nos corps de vermine ? C'est elle qui empesche le seiour des humeurs visqueux, cruds, crasses & gluants, par incision, attenuation & expression d'iceux, & par consequent oste la matiere, à la cause efficiente la chaleur estrange : bien plus ie tiens que par le bitume nos eaux' dechassent entierement ces morbifiques animaux. Nous en auons veu quelques vns, qui apres auoir ysé de tous les remedes

remedes propres à expulser hors ces animaux & leur seminaire, comme la hieire, Rhu barbe & autres semblables remedes, n'ont peu neanmoins se descharger de cette vilainie, qu'apres la potion de ces eaux cōtinuée quelque temps. Je ramenteuray à ce propos par exemple le fils du sieur Roux vn des fameux aduocats de Rion, ia allegué par feu monsieur Banc sur mesme subiect, mesmes que ç'a esté de nostre cognoissance. Ice-
luy donc auparauant l'accès qu'il eut à nos Fontaines, auoit par fois des conuulsions epileptiques recognees prouenir sympathiquement nō idiopatiques. Dessors que parmy les de-
iectiōs des eaux minerales qu'il auoit beu, sortit de son corps vn vers estrange en sa forme & grandeur, il a du despuis esté iusques à present sans sçauoir bonnement que c'est de maladie. En ce printemps dernier i'ay faict prendre des eaux à vn ieunē homme d'environ vingt & six ans, lequel dés le mois d'Octobre dernier se plaignoit d'vne grande douleur
d'esto

d'estomach. Il sentoit vne grande pesanteur de son corps. Son dormir n'estoit qu'un songer horrible, & ne pouuoit se forcer à chose quelconque qu'il ne vint à pâlir : si ne delaissoit il parant de meuer bon ce qu'il mangeoit. Il auoit des douleurs de teste estranges, & oppression d'haleine. Aussi tost que nous l'eulmes ietté dans la diete de nos eaux, il se desueloppa d'un peloton de vers, & durant quelques iours parmy ses deiections il en iettoit hors tousiours quelque'un, tellement qu'il reuint en tres bon estat de santé. Outre ces vers il se peut faire qu'en nos intestins s'engendrent autres choses estranges non animées, comme pierres, chairs, & autres telles matieres. Vne femme d'Orleans, nommée de l'Isle se deschargea par le fondement de plusieurs pierres, desquelles les vnes estoient grandes comme febues, & les autres un peu d'auantage; si est ce que de parauant quelques medemens qu'elle print elle n'en auoit iamais senty sortir de cet endroit.

Ce seroit à la verité chose non importante, que d'auoir des pierres dans les boyaux, & ne faudroit se peiner à treuuer le remede pour les en sortir. Car quel inconuenient en scauroit il arriuer, puis qu'elles n'y peuuent empescher aucune action? Mais d'autant que cette generation de pierre arriue, lors qu'un corps distemperé en excessiue chaleur, abonde de ne phlegme, & que cet humeur, selóles parties, ausquelles il feroit sejour, se pourroit rendre nuisible, c'est vn important remede que nos eaux, qui ont pouuoir de mettre hors les humeurs qui seruent en la production de la pierre, de matiere à la chaleur. Il y a quatre ans qu'un homme aagé d'enuiró quarante cinq ans, Limosin se transporta en certe ville, pour recouurer santé. Il estoit tout bouffy & sans cou'eur: à toutes heures le cœur luy deffailloit: bref il estoit assailly de tous les maux languissans, qui menassent la totale ruine d'un corps. Il prend de nos eaux selon qu'on luy ordonné: en ayant
beu

beu six ou sept iours le voila soudain enfle, ou (parce que deparauant il n'estoit point sans enfleure) redoublé en grosseur, non sans estonnement. Si est ce que quand nous eumes recherché diligemment la cause de cette enfleure, & veu que toutes choses se faisoient avec raison, nous ne nous retirasmes point de ce remede, lequel auparauât nous auions recogneu conuenable en cet endroit: mais donnons cœur à la continuation d'iceluy, qui succeda heureusement. Car en fin parmy ses deiections sortirent deux ou trois pieces comme de chair pourrie, assez grandes, au milieu desquelles y auoit quelque chose de plus dur, ressemblant à vn os de qui la couleur est alterée, & cela se fit dans deux matinées, durant lesquelles il se déchargea de quantité d'humeurs corrompus, qui sembloient auoir fourny matiere à ces estranges pieces de chair. Dès cette heureuse euacuation il fut heureusement deliuré des maux qui l'auoyent long temps travaillé

par

par le seiour & cropissement de cette monstrueuse cause.

DES MALADIES DES
reins & vescie, premierement,
de la pierre.

CHAP. XXI.

LA cause de la generation de la pierre en quelque partie de nostre corps qu'elle soit, n'est que la mesme: mais les accidens qui en arriuent sont bien differens, selon les parties esquelles elle est engendrée. C'est pourquoy on ne faict cas auiourd'huy que de celle qui se treuve dans les reins, ou vescie: d'autant que l'vriner, action principale de ces parties, & à toutes heures necessaire, est à nostre grand preiudice, empesché par la pierre, qui occupe & remplit ses passages. Ces fontaines, de qui l'eau subtile se porte soudainement dans les reins se sont treuées admirablement propres à ceux, qui estoient affligés de cette

indisposition. Vn de saint Geruais de neuf ou dix lieues d'icy, apres auoir demeuré quelque temps nephretique & auoir beaucoup pati, fit deux ou trois pierres, & ayant beu neuf ou dix iours de ces eaux. Il fallut en quitter l'vsage parce que deuant la sortie des pierres l'augmentation ou renouvellement de ses douleurs luy apportèrent, beaucoup d'estonnement. Monsieur le Marechal de Brissac, à qui la reputation de ces eaux doit beaucoup pour auoir esté honorées de sa visite, n'eut pas moindre soulagement en ses reins pierreux, qu'aux hemorrhoides qui l'auoient extremement mal mené (ausquelles ces eaux s'experimenterent) tres propres quoy que le sieur de Brissac craignist au comencement qu'elles ne retournaissent, s'esmouuoir, & que les douleurs ne se renouuellassent par la subtile penetratiõ des eaux. Si ie voulois icy alleguer combien elles ont fait sortir de pierres hors les corps des malades, ie serois trop long, suffit, que i'affectez, que
nul

nul affligé de cet empêchement ne
s'en est retourné sans effect notable
contre son mal.

D E S V L C E S R E S D E S

Reins & vefcie.

CHAP. XXII.

DES LIEUX SUBIECTS À INFLAMMATION

DES REINS & VESICIE.

Les lieux subiects à inflam-
mation s'ulcerent le plus sou-
uent. Or les reins s'enflam-
ment par diuerfes causes, pourquoy
donc ne seront il pas, ulcerés quel-
quesfois? On cognoit qu'ils le sont
par les excremens, par l'actiō blessée,
& par la circonference du lieu où est
la douleur. Il en est de meſme de la
veſcie, laquelle enflammée, notam-
mēt en ſa partie charnue, s'ulcere vo-
lontiers. Et d'autant que ce mal
ſe rend pertinax contre les remedes,
ç'a eſté l'occafion que pluſieurs ont
mis leur esperance derniere en ces
fontaines, deſquelles les vns, pour
ſ'eſtre opinaſtrés en leur boire, ob-

seruans les choses requises en leur vſage, ont remporté guerison. Le ſieur de la Geneste pres de Paris auoit vn vlcere au col de la veſcie, duquel ſortoit quantité de pus & luy donnoit difficulté d'vrine, ayant eſſayé tous autres remedes, meſmes trois autres notables fontaines minerales, à ſcauoir celles de Spa, Sfoerge, & Pougues, eut ſon dernier refuge en celles de Viclecomte, & en a vſé durant trois diuers mois en trois diuerſes années. La ſeconde fois il ſe treuua guery, & d'autant qu'il y retourna encore vn coup, ce fut tant pour ſ'aſſeurer de ſa guerison, que pour fortiffier les parties qui auoient eſté vlcérées.

Le Baron de la Buſſiere pres Maſcon l'aannée paſſée, ſe fiſt porter en ceſte ville eſtant affligé d'un vlcere calleux, qui luy reſta apres l'attraction de la pierre par incision vn peu rudement faiſte. Quant il fut arriué en ce lieu il n'en pouuoit plus : il eſtoit ſans forces, ſans aucun appetit, ſans dormir. Il luy ſortoit tous les
iours

iours de la verge bien deux ou trois liures d'humeurs muqueux, ou plutoſt du pus tel que de ces parties il ſort, puant, de couleur ſanglante. Quand il eut accompli trois ou quatre iours ſes forces luy reuiendrent, ſon appetit ſe remit, & ſes douleurs ſ'amoindrirent.

Cette meſme année monsieur Tibalier iadis Lieutenant criminel d'Orleans, fut contrainct de venir aux meſmes fontaines contre vne difficulté d'vrine, qui luy eſtoit cauſee par vne quantité de pus qui luy ſortoit de la verge avec l'vrine. Aucuns luy diſoient que ce mal eſtoit la pierre dans la veſcie. Autres qui c'eſtoit vn vlcere; Eſtant meſmes arriuée de pardecça il n'eſtoit pas bonnement aſſuré de ſon mal: ie creus neau-moins que c'eſtoit vn vlcere, diſant, puis qu'il auoit eu en meſme tēps de ſa difficulté d'vrine vn abſces en la bource; pourquoy eſt-ce que la meſme cauſe n'eut peu rendre meſme effect au col de la veſcie: ioinct que par la ſonde on ne rencontroit

aucune pierre dans icelle ? Or d'autant que lesvrines emmeinent quant & soy trois choses séblables, le pus, la semence & l'humeur nuqueux, difficiles à discerner l'un de l'autre, on a beaucoup de peine de recognoistre le mal & le lieu malade d'où ils sont ennoyés. Si est ce que nos eaux sont contuenables contre les maux designez par ces trois sortes d'excremés. J'ay veu deux gonorrhées que j'auois traité s'arrester bien tost apres l'vsage de ce remède. Monsieur Pinetti Conseiller du Roy, & maistre des pôts ports & passages à Lyon & pays du Lyonnois, & Beaujolois, ayant gardé vne chaude-pisse trois ans pour l'auoir negligée, eut suppression d'vrine, telle qu'il n'en rendoit, que lors que la chandelle auoit passé dans le tuyau, laquelle il fallut quitter pour se seruir de l'algarie. Or se mettant par trop souuent icelle dans ces parties si sensibles, suruient au periueum vne tumeur, laquelle on croyoit resoudre, si la gangrene de la rondeur d'un ducaton n'eust fait voir qu'il estoit impossible.

ble. En fin eschappé de cet accident (car le mal fut cicatrissé) sa suppression d'vrine luy retourna pire que devant : de sorte que par la continuelle introduction des chandelles dans sa verge, & se violentant à vriner, la cicatrice ia bien guerie se reouvrit, & l'vrine repassa par cet endroit. Dès l'heure vne fistule resta qui donnoit du pus & de l'vrine lors que la suppression d'icelle estoit plus grâde. Ce mal fut attaqué dans Lyon par tous les remedes qu'on y recognoissoit propres : mais ce fut en vain , car il n'eut qu'à recourir en ces fontaines, de l'eau desquelles il prit durant cinq semaines. La difficulté fut si grande au commencement , qu'à tous momens il ne vouloit que plier bagage, & si ie ne l'eusse porté à vne plus longue patience. Bref dans son onzième iour & feste de saint Iehan, voire le lendemain ne pouuant rendre ces eaux, il fut tres-mal & grandement abbattu par les douleurs. Ce ne fut pas sans mé blasmer, qui luy auois donné autre esperance , que de ce

qu'il voyoit: mesmes le sieur Naudet Chirurgien du Roy dans le regimenc de mōsieur de Bourg & Juré a Lyon, qui auoit suiuy le sieur Pincetty de par deçà, me dit qu'il ne croyoit pas, que telles eaux peussent faire ce que ie disois, que mesmes il les repro- uoit, d'autant que le sieur Pincetty, (disoit-il) beuant des eaux ses vri- nes estoient pures en leur substan- ce: & au contraire n'en beuuât point il les rendoit avec quantité de pus, qui estoit retenu lors qu'il beuuoit non sans danger de quelque grand accident, qu'il valoit donc mieux en quitter l'vſage que de s'y tenir d'a- uantage. A la fin nous gaignames cela, que cet accident appaisé, & les forces du sieur Pincetty remises dans trois ou quatre iours apres, nous le remismes dans le mesme remede, du- quel il se seruit d'ores en là vrinant facilement & sans douleur capable de le destourner: maintenant ie l'ay veu en sa maison, qui par la grace de Dieu ne se souuiert plus d'auoir eu du mal.

C O N T R E L E S

chaudes-pisses.

C H A P. X X I I I .



A chaude-pisse, ou ardeur d'vrine est vne disposition contre nature, suruenüe lors qu'inflammation arriue és parties esquelles l'vrine faict séjour. Cette cy se peut rencontrer en toutes sortes de personnes. Mais la malicieuse qui vient du coït, & pour auoir chassé en lieu mal rabotté, a outre ce que dessus, vne qualité venimeuse, qui corrompt ou putresce bien tost les parties, qui en sont infectées. Celle cy est vn hazard de ceux qui cuident tirer leur vie de l'exercice de Venus. Toutes deux ont expérimenté ces eaux leurs contraires, & estre le remede qui les guerit. On les prend vn peu apres le commencement du mal, & lors que l'excessiue ardeur est vn peu.

peu moderée. La ieunesse de ces lieux atteinte de ce mal ne recourt point à no^r, sinó pour receuoir quelque regime. Il faut biē q̄ ce mal soit enraciné & qu'il aye vne longue possession; si dans vn mois il n'est gueri prenant ces eaux pour remede.

CONTRE LA

verolle.

CHAP. XXIIII.



EST vn mal contagieux que la verolle; les effects duquel sont si malicieux, qu'il est quasi deplorable. Il est vray qu'on s'essaye de les guerir par vne longue potion de guayac & par frictions d'un onguent, la base duquel est le mercure. Mais il est impossible que le guayac ennemy de certaines natures, soit en la pluspart capable de desraciner cette si estrange maladie, & que l'argent vif tant perilleux y puisse apporter guerison.

le ſçay bien que par ſa qualité de froideur, quali narcotique il temperc les ardeurs des humeurs bilieux, ou d'aüeres eſchauffes: que par ſõ humidité il amollit les durtés, que ce mal apporte; & que d'ailleurs par tennité de ſes parties (qui paroist en ce qu'il penetre à trauers les metaux les plus durs & vient à les diſſoudre) il enapore beaucoup d'humeurs par les ſueurs: d'vne vertu purgatiue faißt ſortir par bas beaucoup d'excremens, & par la bouche deſcharge le corps de quantité de pituite. Mais avec combien d'incommodité & de peril? N'offence-il pas le cerueau de telle ſorte, que ce ne ſont que deſfluxions, qu'il enuoye par toutes les parties du corps, & principalement vers celles qui ſont les plus nerueuſes? le voſ assure, que les maux que peut apporter au corps, le mercure, ſont pires que la verolle meſme. Je tiens que la diete qu'on faißt en ces fontaines, tant ſoit peu aidée par la medecine, y ſeroit plus conuenable. Quant à moy ie me contenterois

1111 d'vn

d'un bain que ie fais, appliqué par intervalles pendant la boisson. L'ay veu par rencontre vn ieune homme tailleur, qui auoit faiët son apprentissage en cette ville retournant de Lyon verollé, guerir par le moyen de ces eaux sans façon autre quelconque. L'ay diët par rencontre, d'autât que s'il eust eu les moyës de satisfaire à ce que ie luy demâdois pour le traiter à l'accoustumée des autres, il n'eust iamais faiët telle experiëce, ses vlceres, qui luy enuironnoient le front & partie de la teste ne fussent iamais gueris pour boire de nos minerales eaux, côme ils furët dâs trois semaines, au bout desquelles pour mieux m'asseurer de sa guerisõ ie luy tiray du sang, que ie treuuay amendé de beaucoup au resprët de celuy que ie luy auois osté lors que nous estiõs en marché de sa dieré.

Dans le liure de monsieur Banc vous auez vn autre exemple d'un le Cro architecteur qui auoit esté en garnison en ceste ville lors des derniers troubles. La verolle l'auoit
faiët

faiſt ſourd, & ſi debile par toutes les ioinctures, qu'il ne marchoit plus ſans potences. Il eſtoit en perpétuelles douleurs & croiſie que ſes paraſtes eſtoient tous vlcérés. Il s'opiniaſtra à l'vſage des eaux, deſtitué d'autres remedes à cauſe de ſa pauvreté. Il eut neanmoins vn tel ſuccés, que ie l'ay veu marcher comme il faiſoit en ſanté, & eſchappé de tous autres accidens, qui miſérablement le preſſoient. Voila donc le ſommaire des maladies que juſques à preſent i'ay peu voir treuver remede en ces fontaines. Ce n'eſt pas que leur vertu ne ſe puiſſe eſtendre en beaucoup d'autres que ie n'ay point mentionné. Je laiſſe au judicieux medecin à les recognoiſtre quand l'occasion ſe preſentera.

DES ACCIDENS QUI
peuvent suruenir pendant l'usage
des minerales eaux.

C A H P. XXV.

D'A V T A N T que i'ay cy deuant rēdu certain le lecteur des maladies contre lesquelles il se doit seruir de cette salubre eau, il est raisonnable qu'en ce chapitre ie luy face , voir les accidens qui peuēt suruenir tādīs qu'on boit d'icelles. Or il est certain , que les maladies cōtre lesquelles on la prēd pour remede sont chroniques (comme i'ay desia dict) de qui le progrès se faiēt petit à petit, & qu'elles ont d'autant plus de resistance qu'elles sont proches de leur perfection. Car celles qui n'ont que le seul commencement sont faciles à ietter hors : au contraire celles qui sont des long temps en possession ne deslogent pas facilement, ny sans un grand combat,

au moyen duquel diuers accidens suruiennent, les vns qui donnent resiouyſſance & monſtrent que la nature fortifiée & ſecourüe de ce remede ſe rend victrice de l'infirmité: les autres qui ſont en eſgal: balance, ou de bien ou de mal. Tous ſymptomes, ſoyent bons, ou mauuais ſont cauſés principalement du mouuement que faiët l'eau minerale ſe portant és parties du corps, meſmes vers celles où croïſt & reſide la cauſe du mal que lon attaque. Donc le premier effect accidentaire & le plus commun qu'elle produiſe parmy les beueurs, eſt vne legere enflure de tout le corps, qui ſe manifeſte pluſtoſt és iambes, lesquelles ſe roidiſſent & appesantiſſent ſur le ſoir, demeurás plus eſtroictement chauſſées.

On ſent entre chair & cuit des formillemens, voire iuſques aux extremités des doigts. Le viſage commence bié toſt à prendre couleur, & les places enfoncées par l'indispoſition à ſe releuer & remettre en leur premier eſtât. Cela dure les premiers

iours, & iusques à ce que quelque notable euacuation se soit ensuiuie, au moyen de laquelle les veines & autres parties superficielles se soyent deschargées dans le ventre, receptacle commun d'icelles. Or nous auons remarqué que cette enflure ne suruiuent qu'à ceux, desquels la masse du sang abonde en phlegme, & que par mesme moyen la cause pourquoy on deuient enflés premiers iours prouient de l'agitation de cet humeur, qui estant emeu & agité ne se peut plus contenir dans les veines & autres lieux de sa residence, s'ils ne s'estendent pour donner place, ainsi que la glaire d'œuf qui en son repos se contient librement dans sa petite coque : mais si vne fois elle est agitée ne peut demeurer dant trois ou quatre. Autre raison n'en doit estre donnée. Car ceux là mesmes qui rendent facilement les eaux qu'ils ont beu, s'enflent. Il est bien vray que beaucoup viennent tels, pour ne pouuoir sortir de leur corps ce qu'ils boient. l'en ay veu demeurer

rer six iours sans rien mettre hors leur ventre, & pour chasque iour auoit beu enuiron huit liures d'eau: entre autres la femme du sire Pilo hosté & maistre de la poste à Thiers, qui commenceant d'estre hydropi-
q̃ auoit recouru à ce breuuage. Elle deuint extremement enflée: mais par vn seul clystere hydragogue & médecine de telle vertu, ie iugeay luy auoir mis hors ce qu'elle pourroit auoir beu dans les six iours. Elle continua autres quatre ou cinq matinales rendant beaucoup mieux ses eaux, toutesfois non pas si bien comme elle souhaittoit. C'est pourquoy craignant le retour de cete enflure elle deslogea: si iouit elle de sa santé & est maintenant veufue en sa ville. Nous auons tellement accoustumé voir enfler les beueurs, que nous n'en faisons quasi point de compte, pourueu que soyons assurez que leurs foyes ne soiēt point abscedez, & les tuniques d'iceux soyent fermes, à trauers desquelles les eaux ne se puissent point ietter dans le ven-

tre. Car cela estant on est incapable de tout remede ; mesmes de celuy-cy , qui par la detersion ditte d'auantage les vescies & fentes qui sont en la tunique qui enueloppe le parenchime du foye, & par consequēt raccourcit le peu de temps qu'ont à viure tels malades. Ce sont volontiers ces pauvres hydropiques , auxquels ou par la longue traicte du mal, ou par intemperie chaude de leurs foyes, iceux leurs sōt deuenus (comme i'ay desia dict) grillés & desseichés de leur humeur radical, & fendus par la solution de continuité qui se faiēt aux vescies engendrées entre leurs fibres. De là vint que le sieur de Mont-fort pres Sauxillanges deuenu hydropique ne peut supporter long temps l'vsage de cette eau, & bien tost apres l'auoir quittée il finit ses iours. Son foye se trouua plein de vescies, & hors sa figure naturelle. De mesme celuy du sieur Oiordias iuge d'Yssoire, & celuy du Seigneur Michaëly Italien & banquier de Lyon.

En semblable estat se treuva ce-
luy de mōsieur de Souuert Vn des
Presidents du Parlement à Dijon. Il
estoit iugé hydropique anasarque
dix huiët mois deuant qu'il vint en
cette ville, quē fut sur la fin du mois
de May.

Par fois il auoit vne difficul-
té de respirer, où quasi il estoit
priué de l'inspiration sans toux ny
autre signe d'accroissement d'hu-
meur es parties de la respiration.
Cela le prenoit avec vn frisson & vn
grand accès de fiebre. On consti-
tuoit la cause de sa cachexie & de ce
grand accident aux opilations de
son mesentere & ratte principale-
ment : par ainsi que l'humour bilieux
n'ayant passage pour se ieter hors
par bas, s'eschauffoit, & se mouuant
en haut pressoit le diaphragme &
luy troubloit sō mouuemēt naturel:
q̄ le foyen'estât purge par la ratte, &
ne pouuāt attirer le chile par la vei-
ne porte estās les voyes occupées ne
pouuoit faire vn sang loüable. C'est
ce qui mettoit tout le corps en si

mauuaife habitude. Il fut treuue bon par tous les Medecins qui le viret, qu'il recourust aux eaux de Vie-lecomte, ce qu'il fit accompaigné de mōsieur de la Corne Medecin de Beaune reconnu par toute la Bourgogne à cause de la grande doctrine avec laquelle il exerce la medecine. Ayāt le sieur De Souuert beu cinq iours, on recognoit que ses iambes grossissoient (car deparauāt l'enfluer n'estoit que manifeste au ventre) partant il ne se treuuoit plus mal que deparauant & rendoit bien ses eaux, fors que le septieme iour, auquel la difficulté de respirer avec son accès de fiebure luy reuint, qui luy auoit cessé deux mois auparauant.

Lors de cet estrange paraxisme toutes les facultez naturelles & vitales demeurerent abbatues. C'est pourquoy le sieur de la Corne le rerirant de l'vsage de l'eau le secourent par remedes si à propos, que l'accident s'appaisa, & suruint vn flux de ventre durant lequel il se fit vne grande descharge d'humours

meurs tantost jaunastres , tantost verdastres , gluants & visqueux fetides & corrompus. Ses vrines sortirent noires & troubles.

A lors le malade se portoit mieux, & quant à moy ie croyos que c'estoit sa guerison. Mais quand le Sieur de la Corne eut balancé le peu de soulagement du patient , avec l'e-uacuation qui se faisoit , suffisante pour emporter les obstructions, iugées la seule source du mal , soudain il prognostiqua que son foye enduroit solution de continuité , & lors que moins i'y pensois , la fin qui en aduint. Tellement que sur son vingt & vnième sa difficulté de respirer & revint avec le paroxisme de sa fiebvre , qui luy osta la vie. Mōsieur de la Corne me fit faire l'ouuerture du corps en la presence de Mōsieur Du Noyer, homme qualifié en la ville de Dijon. Nous trouuâmes l'espiplœ quasi tout consumé & rompu ; ses intestins sans macule : son mesentere deschargé, l'estomach en estat loüable. Quant
au

au foye nous le trouuâmes tout plein de vescies, cōme quand on s'est bruslé : tout attaché au diaphragme, en telle sorte, que le lobbe qui enuironne le fort du ventricule, n'auoit pl^e cette place: car il estoit releué vers le diaphragme, auquel il adheroit. Celuy qui s'estend au dessus de l'estomach estoit le plus grand au contraire des autres, & le long du diaphragme, auquel de mesme il adheroit, alloit rencontrer la ratte, à laquelle il estoit ioinct & contrigu, mesmes qu'il le falut separer d'elle avec le rasoir. La ratte estoit extrêmement petite toute retirée en limaçon, qui se tenoit aussi collée au diaphragme. En la separant ie rencontray vn lien quasi vuide & tout noir, où restoit encore quelque peu de cet humeur semblable aux vrines, que le corps rendoit estant en vie. Le Diaphragme se trouua sain, le poulmon de mesme, si ce n'est que la conformation estoit dissemblable de la commune. Il auoit le lobbe du poulmon gauche fort petit

tit, au respect du droict, auquel nature pour donner place à sa grandeur auoit vouté les costes hautes du mesme lieu, ausquelles ledit l'obbe adheroit, vers la sommité. Le cœur estoit estrange en sa grandeur, qui triploit la naturelle; dans ses valuules nous trouuâmes des petites pieces d'humours coagulées en figure de chair. Son cerueau fut veu exempt d'aucune alteration.

J'ay dilaté cet exemple, d'autant qu'en vn mesme se sont émeus diuers accidens : premierement la cause du mal renouvelée & remise dans ses actions: Ce que neantmoins ne doit point estonner le patient ny le destourner de son boire: Car il semble qu'il n'y a point d'autre passage pour reuenir en santé. Les coliqueux & nephretiques, desquels j'ay discouru plus haut, ne se sont ils pas veus dans les premiers effets de leur maladie, deuant que recouurer guetison ? J'ay veu le sieur Colleuille Lieutenant au regiment des gardes de la compagnie de
Mon

Monsieur de Menuille, estant beuveur des eaux à cause des obstructions que la fiebre quarte luy auoit laissé, retomber, dans six ou sept iours de sa boisson, en la mesme fiebre, qui neantmoins le delaisa bien tost en la continuation de ce breuuage.

Au susdict exemple vous voyez vn autre accident qui suit le plus souuent la boisson de nos minerales eaux, à sçauoir vn flux de ventre, qui toutoutesfois est vn loüable effect d'icelles. Par luy les obstructions recognees au Sieur d'Esouert se vuidèrent, & sans doute si son foye n'eust esté abscedé, ce flux luy eust prolôgé sa vie par vne entiere santé qu'il eust recouuert. Mais cômét est-ce que nature se fust remise estant la citadelle de ses naturelles facultez destruite? Comment pouuoit elle ietter les fondements de son premier estat sain, puis que la solidité des parties de son foye estoit ruinée? C'est la raison pourquoy tous hydropiques ne recourent pas santé, encore qu'ils ayent ces fontaines
pour

pour remede. Aussi il n'y a que partir de bonne heure (si la saison le porte) quand on se voit cheu dans une maladie rebelle aux remedes communs. Quelques vns craignent ce flux de ventre (du quel iamaïs ie n'ay veu arriver aucun mal) & disent qu'il peut prouvenir de l'acrimonie des eaux. Mais le contraire apparoit, & est facile à iuger, que par luy nature se descharge de ce qui luy est nuisible, estant prealablement preparée & aydée par ce remede: autrement cette eau ne gueriroit point les flux dysenteriques & hepaticques ennemis d'icelle nature. Vous aués peu voir ce que i'ay experimenté des dysenteries. Quant aux flux hepaticques le sieur Bataille gentil homme Normand de la compagnie du Roy en estoit atteint: car ses deiections estoient semblables à l'eau, qui a lavé des chairs nouvellement couppees. Il auoit demeuré quasi un an en cet estat, non sans tenter diuers remedes ordonnés par des fameux medecins;

mais il n'a preuue que ces eaux propres pour luy remettre ses facultés attractrice & alteratrices, l'vne pour deuëment attirer le suc des viandes ja preparé dans le ventricule: l'autre pour le bien elaborer, deuant qu'estre distribué vniuersellement.

Vne pesanteur d'estomach fasche quelques-fois les beueurs, qui leur enuoye beaucoup de salive en la bouche. Nous y remedions par des Pillules où entre la poudre d'hier & le sel d'absynthe. La toux en fait de mesme & la distillatiõ des eaux & humeurs cruds faicte par le nés avec pesanteur de cette partie. Nous appellõs ce mal *κορυζα* que nous eutõs fuyant le serain & les rayons du Soleil. Monsieur Bugnet medecin fameux de Lyon ayant vsé de nos eaux pour se deliurer de quelques obstructions, m'a dict du despuis qu'estant de retour en sa maison, vn iour ou deux apres vn petit flux de ventre commença le prendre durant quelques iours aux mesmes heures qu'il

qu'il prenoit l'eau minerale, & qu'il sentit son estomach indigest, vomissant la viande comme il l'auoit prise apres le repas. Il accusoit en cela la trop grande quantité qu'il en prenoit lors de l'usage. Toutesfois il n'eut pas loisir de craindre ces accidens qu'ils luy passerent, & est maintenant ioyeux que ces eaux luy ont laissé son ventre libre, & vne facilité a vomir, qui luy estoit impossible au parauant. Quant à moy ie suis extremement aise qu'un si celebre personniage, specialement estant Medecin au rang qu'il tient, aye veu non seulement en autrui, mais aussi en soy-mesme, & senti la grandeur des effects de ces fontaines.

EN QUELLE DISPOSITION on doit prendre ces eaux.

CHAP. XXVI.



E pensez pas qu'on doive se licentier à ce remede sans autre consideration, ny qu'il faille sortir de l'ancien ordre de la medecine, qu'est de preparer les corps avant qu'y rien innouer. Ceux qui font autrement s'exposent à beaucoup de perils, & semblent se ietter en pleine mer sans gouvernail ny voiles. Sous cette consideration nous ne permettons pas qu'on prene de ceste eau sans purgation, mesmes reiterée plusieurs fois selon la necessité. Je ne veux pas dire au paravant que boire. Car on peut bien prendre des eaux deux ou trois iours pour preparer les humeurs au medicament purgatif : ioinct qu'es grandes, chaleurs on supporte plus facilement la purgation si on a humecté les lieux où elle doit agir

gir. D'autre part il n'y a pas d'apparence qu'après vn long voyage on aille d'abondant eschauffer son foye par tel médicament. Il vaut donc mieux au lieu d'Aposemes alteratifs boire des eaux, mais en plus petite quantité: à sçauoir deux ou trois verres le matin & autant le soir loing du repas, & par quatre ou six fois.

Or quand on se purge, cela sert au commencement pour donner chemin seulement: au milieu de mesme, & pour empescher le séjour des humeurs, qui sont déplacés & tirés du lieu où ils s'estoient accumulés, lesquels à cause de leur viscosité ne peuuent sortir, que petit à petit: sur la fin pour mesme intention & ietter hors quelque reliqua des eaux. Ceux, qui se faisoient croire que lors qu'on rend bien ces eaux, c'est chose inutile que de se purger, ont tost changé d'opinion, voyans les grands effets d'un petit médicament pris es iours mesmes auxquels ils sembloient

Pour-
quoy il se
faut pur-
gé pour
boire des
mieux.

rendre plus d'eau qu'ils n'en auoient
veu boire. Cela vient des humeurs
visqueux & grossiers, qui ne peuuent
pas sortir si légèrement, que les eaux
qui les ont attiré, s'ils ne sont pou-
sés par la vertu formelle & purgati-
ce de quelque médicament. Cepen-
dant il est à craindre qu'eux seiour-
nans par trop, ne se corrópent. C'est
pourquoy on se doit purger souuét,
principalement le soir loing du re-
pas on prend des clysteres qui tirét les
eaux & les humeurs esbranlés par el-
les. De mettre icy par quel medica-
ment ce seroit chose inutile, parce
que selon le mal le remede doit es-
tre. Il est bien vray que le purgatif
doit estre hydragogue mais aux vns
d'une façon : aux autres d'une autre.
Car celuy qui prendra des eaux, pour
quelque indisposition des reins, bien
qu'on luy donne vn remede qui puisse
presser l'issue des eaux, il doit neant-
moins auoir la vertu de se porter au
lieu du mal pour y agir & leur ser-
uir de vehicule. La mesme conside-

raison doit estre en toutes les autres maladies.

En plusieurs on ne se contente pas de purger seulement : car le plus souvent on applique la saignée, reiterée selon qu'il est de besoing. La pletore & les intemperies chaudes demandent cette sorte de remede. Je sçay bien que quelques vns ne l'appreuvent pas pendant l'ysage des eaux, disans : Ceux qui ont des eaux que nous appellons hydropiques, sôt offencés par la saignée. Ceux qui boient des eaux en ont le plus souvent de retenues. Ils seroient donc offencés par la saignée. Mais ce n'est pas pour le respect des eaux que nous retirons de la saignée aux hydropiques, ains de la cause de leur generation, qui est le refroidissement des veines.

QUEL REGIME ON

doit tenir, & comment on
se doit loger.

CHAP. XXVII.

LA premiere disposition de
celuy qui a recours en ces
fontaines gist en la purga-
tion, & en la saignée, si la
necessité y eschet: l'autre au regime
de viure, qui sera d'eiter toutes cho-
ses qui peuvent refroidir l'estomach,
lequel a besoing alors d'estre mainte-
nu & fortifié en sa chaleur naturel-
le. Les viandes qui refroidissent sont
tous fruiçts crus, lactages, salés, &
autres telles de difficile digestion.
Au contraire on doit pouruoir à se
nourrir de choses de bõ suc, & pro-
pres à ceste partie, qui soyent faciles
à diger.

Le soir on se seruira de viandes
plus seiches, & doit on souper vn
peu plus legerement. En la refection
on se comportera sobrement en la
quan

quantité des viandes, & si possible est, on eutera leur diuersité. C'est pourquoy ie trouue que ceux errent grandement, qui venant boire, ou pour mieux dire, entreprenant la diete de ces eaux, se logent dans vn logis destiné seulement pour les voyageurs, & là vinét à table d'hoste. Cest le moyen d'eutera la sobriété, & d'encourir quelque mauuais accident par l'exces de la bouche. Voyant malcher autry il est impossible qu'on ne mange d'auantage, voire plus que de coustume, d'autât que les eaux augmentent l'appetit. Ioinct que si vous attendez autruy, vous ne sçauriés prendre vostre refection lors qu'il vous est loisible, ny vostre viande ne peut estre preparée à vostre volonté, ny à l'heure qu'il vous est requis. Partant on doit se loger en lieu où l'on soit de forte, que lors qu'il sera besoing on puisse se refectionner, ou dormir sans ouïr aucun bruit ny resueille-matin. Au demeurant les habitans de

Vicle

Vicleconte taschent d'accommoder les estrangers de tout ce qu'ils peuvent.

EN QUELLE QUANTITÉ on prend ces eaux, combien de iours, & en quelle heure.

CHAP. XXVIII.



Le remede doit auoir, comme les autres, vne certaine quantité, laquelle nous diminuerons ou augmenterons, selon l'occurrence des corps, ainsi que nous faisons des laxatifs. Or parce que ce remede est de plusieurs iours, nous partissons sa quantité en trois quantités de iours. La premiere est de six à sept verres, & n'y a corps qui ne les supporte; l'autre de dix & douze: la derniere de quinze, dix huit & vingt. Aller iusques à trente, comme font aucuns, c'est vn excès trop grand. Le verre duquel
i'en

Je tends parler doit tenir sept ou huit onces. On cōtinue ainsi quinze iours pour les maux les plus faciles, aux plus opiniastres vingt & cinq ou trente iours. Toutesfois la loy de la quantité des eaux qu'on doit prendre, se tire lors qu'on a essayé son pouuoir. On les doit prendre le matin tandis que l'estomach est libre en ses actions. On demeure apres de manger trois ou quatre heures, plustost ou plus tard selon qu'on se trouue plus libre, ou plus empesché. Quand on boit, on faict exercice moderé pour exciter les facultés naturelles. Le soir on se prendra garde du serain, comme fort contraire, & sur le iour des rayons du Soleil. On fuira le dormir de l'apres-dinée, se tenant esueillé, iouant à quelque ieu d'exercice moderé, & se tenant ioyeux. Il ne reste que de voir quelle est la saison plus propre,

EN

EN QUELLE SAISON de l'année.

CHAP. XXIX.



LE V monsieur Banc escriuant sur mesme subiect, a creu qu'és iours caniculaires nos eaux augmentoient leur vertu, sur l'opinion qu'il auoit, qu'elles emportoient quant & soy plus d'esprits minéraux, & ce d'autât qu'il voyoit alors nager le nitre au dessus plus qu'en autre saison. Ce qui ne peut estre indice de plus grande quantité d'esprits en nos eaux: car ce nitre, qui a coulé long temps confus en icelles dans les canaux de la terre, n'est qu'alors, par la chaleur extérieure de cette saison, separé de l'humeur dissemblable à sa nature: aussi cette sepation estant faicte, l'eau n'a le goust si picquant, que sortant de la source. Ex-

*Pourquoy
és iours ca-
niculaires
on void
le nitre
nager des-
sus l'eau
des fontai-
nes de Vic-
lacomte.*

periance qui repugne du tout à l'opinion du sieur Bañc. Ce qu'estant, la vertu des eaux ne seroit plus grande en ces iours là, qu'és autres de l'année. Voyons si la disposition des corps en est meilleure.

Puis qu'on prend asses grande quantité de cette liqueur, il faut que la chaleur & vigueur de l'estomach le puisse tollerer. Or nous sçauons que la chaleur exterieure, telle qu'en ce temps là, diminue l'interieure des corps; Pourquoy doncques croira on qu'és iours caniculaires on peust plus commodement prendre cette eau? Je ne veux pas dire partant, que l'hyuer soit plus commode pour se seruir d'elle. Les pores sont trop resserrez & l'euaporation des fuliginosités trop empeschée. Mais j'accorderay volontiers que les mois de Iuillet & Aoust sont d'autant plus propres, que ceux de l'hyuer incommodes: toutes fois ie peux asseurer avec l'experience que

*Le temps
plus pro-
pre.*

plus supportable au temps où le
Soleil iette ses rayons mediocre-
ment chauds, comme il faict lors
que son cours est de quelques
mois seulement au deça l'equa-
teur, c'est volontiers sur la fin
d'Avril & en May, esquels mois les
corps sont plus robustes qu'en
Aoust: d'autant que la dissipation
des esprits est de beaucoup moin-
dre.

Icy l'on remarquera qu'il y a des
corps de si petite complexion, ou na-
turelle, ou par oppression de leur
mal, qu'on treuve bon souventes-
fois d'interposer à ces maladies quel-
ques iours de discontinuation en
leur diete, afin que les parties natu-
relles, soulagées par le repos, fassent
la distribution des eaux plus à leur
aise. C'est pourquoy s'il survient
quelques cours pluvieux, on les peut
commodement employer, ou pour
se reposer, ou pour prendre quelque
medicament laxatif. Voyla (Lecteur)
ce que j'auois à vous dire de nos mi-
nerales

nerales eaux, selon le bref discours
que i'en auois entrepris. Que si ce
labeur vous est agreable, ie vous
promets d'oresnauant ne laisser rien
passer digne de remarque, sans en
faire vn petit recueil.

A DIEU.

